

皇明名臣琬琰錄卷之十一

禮部侍郎章恭毅公神道碑銘 綸 尹侍郎直

南京禮部侍郎章公既薨之四年其孤南京禮科給事中玄應除喪來告于朝曰臣之先臣綸卒蒙遣官諭祭有司塋墓寵終之恩渥矣第贈若謚未荷賜焉惟

陛下哀憐嘉與之以假寵於章氏而覆蓋其遺胤

天子曰噫茲予忠謹之臣也卹典其可弗備乃贈南京禮部尚書謚恭毅官其季子玄會為鴻臚寺主簿玄應兄弟既祇謝退而詣于曰先臣幸具蒙卹典矣惟

是蓋道之所未有利詞敢以請于惟奉親公之所
忠於朝

聖天子之所以眷於公足為忠義者勸宜有以著之初
景泰元年

英宗皇帝歸自北狩尊為太上皇別居南宮

今上在儲位又明年乃易兩宮踈隔嫌隙茲萌災異荐
臻人心危懼廷臣無敢以言者時公為儀制郎中特
陳脩德弭災十四事一畏天戒二任燮理三養聖躬
四節幸御五務儉約六勤論政七惇孝義八慎賞賚
九重名爵十革巡撫十一擇重臣十二辯異端十三
却貢獻十四汰冗官其畏天戒大意謂內臣不可干
外政佞臣不可假威福後宮不宜盛聲色凡為陰盛
之類請悉革罷其惇孝義則謂

上聖皇太后皇太后為天下母受天下養可謂尊養之
至矣然必躬脩問安視膳之禮乃盡尊養之誠

太上皇帝君臨天下十有四年

陛下向嘗親受冊封為臣子是天下之父也至是以
天位授

陛下尊為太上皇是天下之至尊也每拜朔望及歲時
萬歲聖壽萬壽無疆見於延安門以極尊崇之道而又

踰禮既冠郡守何公文淵選補郡庠弟子員親為之
講授以詩經中正統戊午鄉薦明年會試第三人廷
試賜進士出身給告畢姻時西源尚在殯公葬畢而
後娶還朝授南京禮部主事景泰初陞禮部儀制郎
中適國家多故公知無不言言無不盡首稱增會試
取士額次言太平十六事累數千言俱准議行北虜
也先索使通好公言宜誓結往來之盟以待天時人
事之至車駕欲幸大隆福寺公言以萬乘之尊臨異
端之地傳之後世誠非美事又因災異請下詔求致
災之由上示撒樂減膳之敬下推捐俸救荒之仁節

濫賜之費罷補官之奉慎差遣之擾備義倉汰僧徒
諸事皆剴切明年遂以言及禍矣其後佐禮部益侃
侃不回天順二年山東水守臣請蠲租未允公為請
得減其半宗室有被火盜乞賑卹該司沮以無例公
言朝廷重親親宜出特恩遂賜金五百兩南京禮部
闕卿佐廷議屬公

上面諭公曰根本重地非卿不可事有當言具以來聞
賜白金二十兩文綺二表裏以行四年調南京吏部
八年

今上嗣位有司奉遺詔百日外請行大婚禮公言山陵

尚新元朔未改百日從吉心實不安釋職公除在前
代固有常制諒陰婚娶於今日不忍隨宜乞特諭禮
部來春舉行時雖迂公言識者韙之成化紀元又陳
救荒四事四年奉詔考察南京官吏與都御史高明
議不協遂劾之并斥御史部屬數十人五年以星變
求避位不許尋陞南京禮部左侍郎六年告歸展省
踰歲還任十年丁母包氏憂將起復遂乞休致許之
家居創祀先祠及校定時祀拜謁儀節居家雜儀為
子孫規宅西構重屋以度圖籍日坐其上觀書覽勝
東構小軒瞰嶼西泉石時從賓客觴咏其中給事嘗
得拜慶稱壽姻族咸集公劇飲大醉歌吟笑呼甚樂
也十九年三月二十二日以疾終于正寢先是宅前
山巖崩摧聲振林谷公嘆曰吾其當之歟至是果然
配朱氏累封淑人母儀婦道閨門楷則前九年卒與
公合墓于橫嶼山子男二長即玄應朱由進士授
今職次即玄會庶也女一孫男六嗚呼正統之未社
稷非

景帝未知如何一時安攘之功卓矣所不建者易儲一
事耳使當時廷臣有能直諫以身殉之則儲未必易
後有繼公連章劾諍必從乃已則儲亦必復正月十

七日之變亦何自而萌奈何獨公憤發一言遂罹此
毒豈意生全復躋顯位以功名者終而榮及後人忠
義之報何如哉蓋公孝友朴淳剛方坦易學問該洽
遇事敢言然皆政教大體匪訐匪誣厥後

景帝拒絕讒間全護

兩宮其亦終有悟於公之言也夫彼棘蠅市虎權鷹奸
犬之輩徒猥瑣細故而於宗社安危綱常淪斃略不
語及者皆公之罪人也漢汲長孺之剛直宋魯宗道
之骨鯁杜祁公之勁氣直節以公方之亦奚媿哉春
秋有大美惡不厭其詞重複肆余於公之忠讜始終

言之其他文與行有過人者皆可畧錄曰人臣事君
忠讜是據弼違繩正敢意全軀正統之末景泰之初
疇資衆善國幸無虞久安易玩乃惑佞諛謂儲可易
斯為永圖兩宮嫌間倫宜寢疎有列言責誰伏青蒲
侃侃恭毅獨矢厥謨曰茲孝友政教權輿矧惟國本
厥位可虛請復元良以敬天渝過不憚改庶免淪胥
惟是逆耳遽罹孽拘脩嘗楚毒屢絕而甦天久乃定

雲開日舒

英皇復辟

今上復儲乃釋公繫深加獎譽乃成宗伯橫金鉞來始

終一德不虧其德蓋謂是者謂常是者謂亦常是

帝命公祖曰匪均逸庸示措模事有可言予惟汝俞荐
更兩曹益勵廉隅功成勇退燕申泊如探竒覽勝觴
咏為娛巖傾谷震神游清都後昆繼美卹典充殊墓
道有石螭首龜趺惟公學行宜不一書太史刻詞畧
其緒餘獨揭一忠以愧鄙夫越山可夷浙水可淤恭
毅之名天壤與俱

侍郎廖恭敏公言行錄註

尹侍郎直

廖莊字安止江西吉水人進士歷任宣德成化間官
至刑部左侍郎卒年六十三贈尚書諡恭敏

公幼時卓詭不凡弱冠中江西鄉試宣德五年林震
榜進士八年選工科庶吉士十年擢刑科給事中正
統六年陝右饑命往賑之公率以便宜從事賴以全
活甚衆比還多所建白時東里楊公當國家人有不
律者公率同列抗章論其不職或曰獨不為楊公地
乎曰此所以報公也八年大理寺官屬悉以事坐累
命公署寺事踰月擢大理左寺丞十一年陞南京大
理左少卿景泰五年上疏請朝謁南宮及加恩禮於
今上大意謂仕中朝十餘年間見

上皇臨朝遣使冊命於邸邸歲時令朝臣謁賀于東廊

恩禮隆洽群下感動

上皇臨居南內問安侍養未開曠闕是非所以篤忠愛
友悌之誼慰天心而召和氣也且

上皇之子猶子也宜令親近儒臣講明經義輔成德器
以端國家之本以繫天下之心由是忤旨明年丁母
憂入見命撻於廷幾死明日謫河州定羗驛丞輿曳
就道天順元年

英廟復位召還為大理左少卿時母服未闋聞外艱遂
以情自陳命賜祭營塋蓋特恩也服闋調南京大理
寺五年陞南京禮部右侍郎七年調南京刑部成化

改元御史有言公於朝者公引咎請老

上獨知其故斥不聽而遷公刑部左侍郎且曰莊大節
可取公益竭誠奉職踰年以疾不起

上聞悼惜遣官賜祭有司治塋事贈刑部尚書謚恭敏
公為人直易表裏坦然性剛急詞氣激烈少不當意
輒面折已則釋然雖間為深機者所中率不能自易
也廣廷大議棘棘不撓及以言被罪名稱籍甚四方
想聞其半來然不子子為異飭細行以取譽接對士
類不見有纖毫貴勢態尤甚於鄉里故舊嘗護拯拔
極其力之所至賓至危酒且肉輒與為權無一食不

對賓客既為法官所親或勸精請往未幾遂議公曰
昔人有言臣門如市臣心如水吾無愧吾心而已
沒之日無以為歛鬻居第供費歷時不能售鄉之仕
於朝者相與哀助假貸以佐之於是足以見公之平
生蓋賢於世之深情厚貌事邊幅者遠矣故河東文
靖薛公謂公於議論知識獨能得其遠者大者真知
言哉並彭教撰墓志

尹直贊曰知識遠大胸次坦平早列諫垣歷贊司刑
昌言讜議人紀天經孰謂鳴陽乃致批鱗廷撻幾墮
既償乃興大節可取天語褒崇章鍾同傳聯炳汗青

監察御史鍾公言行錄同

楊尚寶廉

鍾同字世京江西永豐人第進士歷仕景泰間官御
史以直諫死錦衣獄年三十二天順初追贈大理寺
左丞世京飽庭訓殘孝友培忠義之基厚矣景泰庚
午領鄉書明年登進士拜貴州道監察御史風采壁
立嘗因待漏與儀制郎中章公綸期論易儲事願獻
狄梁公之誠脫受比干之慘無所憾詞氣嚴正繼之
以泣綸亦慨然以身許之年 月 日公疏上言

宗社之本在儲位宜復不宜緩兼陳一切弊政聞者
毛竦咸度事半難破勢重莫移躋其朝陽鳴鳳而危

其手抱遺骸既而給疏隨入并收下錦衣獄 年
月 日公死焉蓋知有其國不知有其身也

英宗復辟下詔謂其忠誠義氣貫于金石追贈奉政大夫大理寺左寺丞官其長子啓知縣當今

皇上亦謂其死于忠義詔祿其妻羅氏官其次子通政司知事先是世京遺骸猶在園土啓陳情乞得歸塋浪田之陽頻年鵠巢丘木累產白雛喙距紅而異常 以為精神所感故名其地為忠義鄉

利也天道義也君臣首揭三綱攸叙五倫凡厥有生罔不同具此蚩衆人氣拘物感 凝精惟公獲粹

中兮虛靈善兮由備載帥以志載充以氣允矣謹言天下大計旬然雷霆弗驚弗懼猗與那與孰不有死林林總總草木萎靡龍逢比干雖死不死於昭上帝乃眷乃顧湛恩厖洪爰及後裔巍巍泰華中柱天地耿耿列星垂耀萬世 高明撰忠義碑

御史鍾同之死刑部侍郎林鶚之好禮其烈與嚴美矣 名臣贊錄

兵部尚書程襄毅公墓誌銘 信 劉文和公

成化己亥秋九月二十有七日南京致仕兵部尚書兼大理寺卿休寧程公卒于正寢有司以訃聞詔贈

太子少保謹奏教道官請祭崇奉朝紳成曰公一代
人豪而今已矣可惜雖然朝廷于其生加以穹秩于
其休養以重書于其沒優以卹典且有象賢之子昌
大其業是公雖死猶不死可謂無遺憾矣既而其子
敏政慟謂予曰先生交先君子三十餘年僕入曾聆
先生一日之教茲墓中誌銘敢以為託乃誌曰公諱
信字彥實世居徽之休寧其先聞臣大儒載在簡冊
可考高祖諱社元至正末用薦者起為承奉班都知
不赴曾祖諱吉輔兩世妣皆吳氏祖諱社壽國朝洪
武中謫居河間考諱晟俱以公貴贈兵部尚書兼大

理卿祖妣汪氏妣張氏俱贈夫人公以易經中正統
辛酉順天府鄉試明年第進士授吏科給事中己巳
英廟北征公偕廷臣上疏諫止不報已而師潰土木虜
遂南侵京師戒嚴命公守西城上言五事曰新號令
以振軍威募勇敢以備警急召勤王以遏南侵設武
備以防內變養銳氣以備戰守皆見采納虜酋也先
自西山一帶進薄都城都督孫鏜禦之失利乞領衆
入城公堅持不可躬督諸軍自城上以大鎗礮石鼓
譟為鏜援虜引去景泰紀元命公克副使持節兩封
華陽王妃凡王府有餽遺悉却之歸陞左給事中辛

未九月

英廟還自迤北居南宮公復上中興固本十事曰敬天求賢納諫謹災節用詳刑選將練兵尚儉隆師而敬天一事則當時天象屢變請

景泰帝隆孝友之實以答天心之仁愛聞者壯之壬申陞山東右叅政總理遼東邊餉巡撫都御史奏倉官吏卒盜糧石以上者死乃造新斛視舊加二寸付公公立碑而火之曰使彼真盜死不足卹今故為此斛置人於死地豈情也哉遼卒至今能道其事會以憂去轉四川分巡所至問民疾苦松潘夷人作亂公偕侍郎羅綺進攻破其黑虎諸寨天順丁丑

英廟復辟公奉表入賀時方錄景泰間上言之人遂留公為太僕卿遼東巡撫缺員陞公都察院左僉都御史賜勅以行守將海寧伯董興姻聯曹欽公一切裁之以正又造戰車創義倉行贖罪法設月輪簿凡百號令一新建州夷酋董山潛結朝鮮公使土官佟成授以成筭往廉之得朝鮮授董山中樞院使制書以還公跪曰乘其未發急遣二使問之可伐其謀朝廷通命一給事往朝鮮二錦衣譯者往建州兩酋初不肯奉出制書示之威相顧愕然各貢馬謝罪虜酋字

朱濂東徵入寇自率師巡邊嘗於境外者凡三月得
風濶之疾自此始都指揮夏霖事多不法與董興相
結納僉事胡鼎按其罪四十公以狀聞詔中官及錦
衣郭指揮逮霖而籍之不意中途受賂乃奏虛實相
半都御史寇深因併劾公輕聽胡僉事言調南京太
僕少卿刑部缺堂上官廷臣言非公不可召陞右侍
郎尋以憂還河間

今上皇帝即位起復公于兵部又轉左成化丁亥四川
貴州山都蠻蠻據大壩山箐之險叛服不常陞公尚
書提督軍務與襄城伯李瑾統番漢兵討之公至永

寧自督大軍入金鷲池又分四路兵期會于大壩將
士依公方畧用神銃勁弩攻賊賊不能支連破二千
餘寨獲銅鼓數十斬首五千級生擒二千餘賊復走
入深洞公命軍士以土石窒其門以兵圍之月餘賊
死洞中臭聞十餘里又陰察九姓土獠之附于賊者
還師撲之未及載都掌悉平又布置衙門邊事以定
凱還進兼大理卿有白金絲幣襲衣之賜前此公營
大壩凡兩月淫雨不時瘴癘荐興舊恙復作至是四
上疏請老俱不允辛卯春

上以雨雪不降求言公上言兵事可更張者四兵弊可

仲理者五詔下所司執政者難之未幾三邊有事
如公言所料南京缺參贊機務大臣廷臣交章薦公
為宜

上允所請公至南京適堇出軒轅乃與六卿合議復上
言興利除害三十餘事多見諸行他若汰貪縱脩舊
典可書者尚多在南京參贊已四載復疏乞休

上重違公志賜勅還鄉有疾若去體其勿久安于家之
語明年公還休寧里第又四年謝世距其生則永樂
丁酉閏五月十六日得壽六十有三葬邑東南南山
之原配林氏累封夫人子男三長即敏政成化丙戌

進士及第授翰林編脩累陞左春坊諭德學行為時
所嘉次敏德太學生次敏行孫男三壘圻塏嗚呼公
儀觀魁偉性資剛果六籍百子無不涉獵為詩文畧
不經意而雄渾可傳事親孝少時嘗力耕以養居憂
廬墓俱有芝產之瑞教子弟嚴而有方待內外族
恩義兼盡遇故人子矜恤振拔惟恐不及上自一物
一不以掛目為諫官知無不言言必達大體而嫉惡
太嚴佐兩藩及法司必以敬正輔長官不隱恣坐視
以為賢掌兩京兵政及征伐俱有成績又能任怨南
京守臣或欲預錢穀詞訟公曰守備機務所以謹非

常若此乃有司之事也斷不可預論者以為得體征
川賞時詔以便宜之權付公公自發兵至凱還不爵
一人不殺一人同事者以為言公曰刑賞人主之大
柄懼聞外事不集而假之人若幸而事集又竊弄之
豈人臣之道也論者又曰此古名臣之心名臣之言
以為後世法若今敏以輩進進未已能昌大其業
安知天之不命公不在此耶號晴洲釣者有晴洲集若
一若藏于家銘曰於惟襄毅等臣之系宋儒之裔豪
傑其才剛大其氣於昭襄毅

科第高登祿

位馴致兵刑聿司留後是寄果哉襄毅衆方
獨易易不數言間能決大議偉哉襄毅車轍所至吾
民獲利威震蠻夷名揚當世無憂襄毅六事武備自
人承繼誕昌前烈引而弗替無憾襄毅善始令終

皇恩特異歸于南山垂休千祀

興化知府岳君墓誌銘正

葉文莊公盛

英宗皇帝既復辟宥密之臣累出親擢其第五人則吾
友燕山岳君正也君固奇士而王吏部忠肅公又嘗
亟稱其賢

上雅重之君亦自幸魚水之遭凡所陳請所撰述所對
答竭盡忠盡多稱旨一日湯序言變異將以古法進

云姦臣未盡之故

上以問君君叩首曰姦臣未聞求之將人人自危况序術疏淺宜不足信

上悅時石曹二猾勢方張君虞其將來必不靖因極言於

上前且退而面開導之使為保全計二猾雖陽诺好辭中實銜之盖未幾君之禍作也

上猶惜君甚止出為欽州同知既又追及逮繫責戍甘肅之鎮夷二猾尋踵敗

上惻然有思曰岳正言是也召還將復有所用而龍馭上升矣成化初君居毋憂服闋御史有言當亟召用君以勸忠詔仍元職吏部言當調南京有旨其勿調命充經筵講官纂脩本朝實錄適兵部清黃官缺部院大臣會薦君遂以成化元年四月俾知興化府以行君在官生財惠民民始謹而終服號賢守有司者或不知禮君君迺有歸志歲己丑來朝請致仕家居越三載為成化八年九月十一日疾卒得年五十五公卿以下皆往吊哭莫不嗟悼曰岳先生云矣君字季方別號象泉畿內灤縣人曾祖德甫祖思銘父興懷遠將軍輕車都尉府前衛指揮同知母太淑人劉

氏君少年已能學有名二十一領鄉薦卒業太學正
統戊辰會試同考誤寘落卷中侍講杜寧獨驚其文
以為此吾輩中人遂占首選廷試第三名授翰林編
脩景泰三年陞右春坊贊善兼編脩天順初元改脩
撰是年六月被命入內閣參預機務及其得罪去僅
一月耳君偉貌美髯言論灑灑動循矩度居家孝弟
交朋友有始終之誼平生性剛而志高抱負經濟不
輕屈下人有古豪傑之風石曹事或迂議之且以未
信為言直應之曰何得以諫官處我我道當如是其
篤於自信如此人有不可意事雖權責人當言即言
之無宿藏而人不之察以故愛君者雖多卒不能勝
夫嫉君者之屢也配宋氏孺人側室周氏子男二增
堂皆夭女六長許嫁而卒已嫁者婿朱景生員李經
翰林編脩李東陽餘未行君之學精博旁熟莊騷至
方外度數諸書無所不窺所著經解務出新意多儒
先所未發惟深衣纂誤成書文章有類博稿若干卷
書法晉唐可名家嗚呼美才如君即特置筆要
先皇帝之明也中間蹇連坎坷有若不堪處者然觀君
今日之金銜在躬考終膺下自非

今皇帝之明且仁則雖欲得此難矣若是者本君其亦
可以無憾哉以卒之年十一月十一日塋祖塋之側
君之兄端府軍千戶祥衣君無子率猶子埤埜均垣
墉長號嚮予乞銘予為作銘慰答之亦以慰君於地
下焉爾銘曰古有李白其人亡嗣亦有柳州擯斥以
死其名之長弗繁乎此

侍郎葉文莊公言行錄

楊尚寶廉

葉盛字與中直隸崑山人第進士歷仕正統成化間
官至吏部侍郎本年五十五謚文莊

公授兵科給事中己巳之變公率同列劾將臣扈從
者失和敗事請誅夷之以謝天下然後選將練兵以
復不共戴天之讐如此則大綱以正大義以明時邊
境未寧大臣有奏留邊將守京師者公言今日之事
邊關為急往者獨馬營不棄則師何以陷土木紫荆
白羊不破則騎何以薄都城急宜遣固守宣府居庸
為便已而河南陳州流民扇動命公往視公即兼程
以進除貪虐賑饑寒民用安輯

景泰元年八月北虜送駕還京將入關矣有隱名具
帖言迎復事者大臣見之顧忌不敢舉公曰此野人
無情之言達于上感動必矣或沮以難者書公不顧

且既言之有旨今尚書胡濙封進書中而正論
有不泯焉

遷山西布政司右叅政協贊獨石等處軍務先是獨
石馬營八城遇虜失守殘破未復公列其利害可興
革者為八條以進次第罷行之八城既設暖舖以便
行旅均蔬圃以給將士制度品式纖悉備具而又請
官銀五千兩買牛千餘頭摘戍卒不任戰者俾事耕
稼歲課餘糧于官凡軍中買馬勞功恤貧諸費皆於
是乎取給自是邊人歡洽歲亦屢登以外艱去擢右
僉都御史巡撫兩廣公乞終制不允至廣興利革弊
尤盡厥心許益商計益多寡入米餉邊而後出境
公私兩利之

八年北虜出沒河套為西邊患有言增兵守險者有
言大舉搜套驅出河外濬河築城堡抵東勝徙民耕
守其中者公為吏部侍郎受命徃議方畧奏言搜河
套復東勝此皆事勢所難惟增兵守險可為遠圖宜
令守臣剷削邊牆增築城堡收新軍以實邊選土兵
以助守此不但可責近效而亦足為長便也從之
公溫雅簡重崇道誼尚名節言動思跂古人居家惇
孝友蒞官清慎勤恪設施不苟與僚友論事不激不

隨其取人先行檢而後才藝終不及人之過公遺手
不釋卷考古辨疑殆忘寢食而於世俗聲色財利之
好澹然不以經心惜乎大用未究其卒

顯允文莊萬夫之特博學宏詞忠言遠識君子焉依
樂善無斁給事青瑣以登憲職撫綏朔南保釐勿火
吏禮之貳德音秩秩希文不相古今所惜彭韶撰贊

皇明名臣琬琰錄卷之十二

恭順侯忠壯吳公神道碑銘

瑾

李文達公賢

天順辛巳逆賊曹欽謀為不軌潛俟七月二日早朝
入內為亂恭順侯吳公先於是夜一鼓聞之即與其
弟廣義伯琮約總兵懷寧伯孫鏜走詣長安門告變
於是禁門不啓賊計遂窮舉火燒禁門公等率兵勦
殺奮不顧身賊雖誅滅公已捐軀矣嗚呼先機告變
公之忠也殺賊喪元公之勇也然則逆賊之敗豈非
公之功乎

皇上聞公之歿哀悼殊深輟視朝一日追封涼國公謚

忠壯九秘器論祭聘儀之類悉從厚典復命有司為
管塚塋以安葬之痛念勛戚之臣為社稷而死
功之典倍徒尋常也既而琮詣予泣且告曰先
幸歿於鋒鏑茲欲立石墓前以白於世非先生
不可辭弗獲按通政司叅議趙君昂之狀公諱
廷璋其先西涼人祖諱允誠永樂中累以戰國
順伯父諱克忠嗣伯爵洪熙初以戚里恩進
侯正統甲子以征虜功加太子太保己巳
寇北
邊力戰而死追封邠國公謚壯勇母楊氏封邠國夫
人叔父克勤官至左軍都督府左都督亦同死沒于

陣追封遵化伯謚僖敏公生而英銳襟度爽闊親賢
好善未嘗以門第驕人以故縉紳士大夫樂與之游
相與議論古今講說道義而公頗能識其旨趣尤閑
武藝精騎射方其父叔禦虜之際公亦在陣中發矢
射虜洎父叔矢盡而亡公始就執其酋長念公忠義
之後釋之乃還京遂嗣父爵天順改元

皇上復位公以勛戚隨侍應對稱旨自是日滿顧問賚
子甚厚尋命理左軍都督府事公益感激夙夜効勤
一旦遭變委身則其允蹈忠義視乃父乃叔為無媿
夫公生於永樂癸巳十二月一日享年四十有九配

李氏故會寧伯之女有淑行封侯夫人生子男三長
曰鑑次曰鏞次曰錫遵化公之子一以是年八月
日葬公於順天府房山縣之新莊從先兆也銘曰世
祿之家忠義無幾有若吳門展也無比彼美忠壯虎
視耽耽遵化之姪邠公之男忠以捐軀壯以禦侮相
繼如歸光照中土飭終追榮惟

帝之恩匪

帝之私惟以報勲闡矣泉官西山之麓秘器旅陳穹碑
載陸仁者有後公則成仁銘以貞之何下萬春

左都御史寇莊愍公神道碑銘

深

同前

都御史乃糾愆繩違之任總憲度爾百僚權奸之所
軍忌者寇公是職五年矣持法嚴明見逆賊曹欽
父子兄弟恣意妄為乃率御史劾之欽等遂行反逆
首害公賊雖誅滅公命殞矣朝廷震悼特賜少保謚
莊愍加賜賻儀遣官諭祭令有司為營安葬蓋深念
任事之臣遭此凶禍而恤典宜厚也其子杯泣且告
曰先人不幸弗獲全歸而墓石之銘不可以無託敢
固以精辭弗釋按知府張祝狀公諱深字文淵其先
山西渾源人世多顯宦曾祖廣仕元為提舉有才行
見寵於世祖為擇宣寧縣黑虎之乾河里俾居之至

國朝洪武初以間右給省檄過保定唐縣止連順庄見其風土之美因占籍焉今為保定人祖彥和父禮俱以公貴贈資善大夫都察院左都御史祖妣宋氏妣李氏俱贈夫人公自幼警發永樂中為郡庠生上言時務朝廷竒其人召入胄監時山東要路軍需錢穀有弊政遣中貴人陳保孫往廉之求國子生精敏者同事得公甚喜宣德初擢刑部主事有勤能之譽尋陞員外郎丁外艱服闋復任益盡心刑獄凡疑獄人不能辯者必屬公正統甲子用執政薦陞西按察司副使時天久不雨朝廷念刑獄有寃抑者特委

公錄山西諸郡大辟囚公察其情有矜疑者五十餘人悉奏釋之又上邊務數十事多見采納丙寅四川松潘夷不靖守臣請出師勦之朝廷念撫治者非其人乃命廷臣推有風力者僉謂公可即日召至京師拜都察院右僉都御史以往遂破賊寨擒其渠魁送京師諸番警伏獻盔甲刀劍三千童男三十七人駿馬四百餘匹繼後入貢不絕公暇則撫恤士卒相地要害築閔堡城池六十處道路險峻者咸削平之以使諸運番夷酋長或率其黨來見公宣布朝廷威德且諭以享福之道莫不感化地方底寧朝廷嘉公之

能進左副都御史加食二品祿綵幣白金之資甚厚
一日得毋報平安書潛然出涕曰老母在堂久曠定
省安能為懷即上章懇乞終養朝廷優詔慰而留之
景泰辛未召公還特加獎勞番人乞留者十有七奏
不從未踰月提督遼東軍務缺人廷議復屬公遂假
公以便宜之權賜白金綵幣慰勉以往公至遼左威
名益振乃積糧練兵畫防禦守備之計中外守臣咸
敬畏之海賊李福挾妖術以惑山東之民聚衆萬人
公得報畧不改容乃親率數百騎直抵海州遣都指
揮周英授以成筭捕之遂獲十餘人公詰其造亂之

由得首惡者二十餘人械至京師餘皆釋之景泰甲
戌北虜入境會總戎得公所議巡邊之策因其勢便
斬首賊七十餘級獲馬六百餘匹公在邊歲久思親
益切或與同事者言及母老輒流涕終日不食累上
章乞歸不允丙子得還京議邊事時母年九十有四
已感風疾曰吾得見吾兒即瞑目矣公悲泣懇求歸
省至家母一見而逝公哀毀踰禮朝廷起公復任乞
終制章凡三上不允天順改元

皇上復位乃許公終制時臺長缺人思臣僚中老成剛
勁無踰公者起復公視事進左都御史公威望日隆

百僚敬憚

上深嘉之寵賚優厚嘗召公咨訪政務但加老字於姓上呼之而不名蓋重公也公天性至孝雖居顯仕惟以不得養親為歉諳於世故凡本朝舊典歷歷能記聽獄能斷人服其明未老即以家事付林綜理曰吾受朝廷重託惟職務是盡餘不恤也生於洪武癸酉五月七日歿于天順辛巳七月二日得壽六十有配李氏累贈夫人生子男三長即林國子生次彬次桂卜是年十一月二十四日與夫人合墓于連順西岡之陽銘曰惟錐在囊脫穎斯見惟楠在壑昂霄可

羨彼物且然而沉於人惟人之傑衆孰與倫侃侃冠公早有大負駁歷仕途才智稱首兩鎮邊陲邊塵不揚入總臺憲大振朝綱賊奸忌之竟為所害恤典有加遺澤未艾惟孝與忠在公則崇有志不餒名位攸隆墓碑戔戔昭此行實永閩泉臺曷其有極

姚冢宰誄并序

楊文懿公守陳

成化九年二月九日太子少保兼吏部尚書桐廬姚公薨于長安里第其子兵部郎中璧奉柩以歸嗚呼哀哉公諱夔字大章正統中鄉試省試皆第一遂為進士擢吏科給事中

英廟北巡國勢方岌岌羣臣議尊

景泰帝公贊其決虜犯都城符召遼宣二藩搏角賊駭而遁公預其謀超陟南京刑部右侍郎轉禮部被命考官雲南三載奏績留任禮部

景泰帝疾甚其部之長在告公強之出率百官詣闕問安退集東閣公倡言復太子衆翕然議定俄而

英廟復位時方征苗又誣獄連襄府懼有變迺詔班師慰王中外大安蓋公之策也既而不悅於用事者復遷南京無何

上思其忠驛召至京拜禮部左侍郎轉吏部尋陟禮部

尚書國家頻歲多吉凶大禮或常或變公皆據古酌今裁定允當嘗知貢舉剗革舊弊有得士之稱今

上嗣統之初及戊子星變及慈懿太后之葬公皆草疏率百官上之有曰節嗜慾以保躬脩禮法以齊家出入有妨燕遊有度官爵勿濫授金帛勿虛費土木勿妄興齋醮勿頻設又曰均愛六宮以繁子姓親決萬幾以臨臣民近君子遠小人皆人所不敢言者至謂山陵宗廟聖孝所先經常倫典國家攸重慈懿之葬或違典禮在庭百辟將有言之宗室親藩將有言之天下後世將有言之能保將來無據禮而改正者乎

世尤傳誦其言拜吏部尚書繼加太子少保先是藩
臬由臺省會舉臺省由

天子親簡部僅選守令以下耳公至乃悉委之連舉
臺省藩十數皆稱職與服其公明公益自信日思
進賢退不肖以臻治平庚寅早霾辛卯彗見壬辰南
方大水公皆上疏條陳天下大利弊乞行罷者以十
數多納而施行每議大典禮大政事衆環視莫敢先
或甲可乙否公徐一言以決

上益信任之嘗以災異兩乞歸不允比疾遣上醫進藥
中貴遺牢醴既薨賜賻祭葬贈榮祿大夫少保謚文
敏嗚呼自古優於政者多劣於文高其名者或痺其
位騁之前者槩蹶之後通于身者或塞于子而公無
一歉焉獨年齡未及乎耄期勲業未臻于極致故上
下多悼惜之走也以欽英譽豉而望之長挹令儀輒
被知遇恒時觴咏笑談忘乎位與齒之懸也孰謂公
遽弃而殂哉哀嘆方殷而璧以誅請是安可辭遂作
誄曰越有大江其名粵浙怒潮驚濤轟霆湧雪其上
羣山崢嶸巖崿紫蓋錦峯富麗尤絕聚靈鍾神千載
一發篤生姚公間世之傑儀容魁岸識量廣恢鳥有
鸞鶴馬惟龍駉百氏淹貫六行具該瑚璉之器棟樑

之材鄉書省選連李倫魁文播天下厥聲若雷遂登
甲第在中給事有皂其囊可否獻替大輅北巡儲宮
猶釋國覬長君社稷之利發言盈庭首鼠疑避公奮
而前遂決其議虜犯京城國若旒贅謀夫孔多將怯
兵脆公請發符窺間遣銳徵兩藩兵刻期並萃倚而
角之其畏弗斃先聲所臨電閃雲際虜聞震驚遁返
荒裔錯節既遇利器迺稱擢居重任舊都亞卿用刑
惟卹典禮惟清察官遐迹黜陟幽明入奏厥績留居
于京不擇夷險以篤忠貞倡議復儲獻謀安荆視竈
弗媚復南其行不遠而復天寵荐增遷義天官陟大

宗伯恭敬神祇柔撫夷狄

光帝陟天嗣皇登極大禮便蕃動皆中式一主禮闈令
行弊革奸倖既驅譽髦斯得屢草章疏以率羣辟並
拜偕進匪朝伊夕自內而外鉅細休戚備談極陳以
匡聖德暨論山陵明盡懇直上回天心卒正兆域進
位冢宰寅亮天工內自卿署外達藩邦下逮胄子小
大窮通孰哲孰否疇勤疇慵旌別進退衡平鑑空誓
登英傑驅去妄庸庶官稱職民安歲豐時多災異公
心忡忡屢獻大計以輸至忠豈其憂瘁竟殞厥躬嗚
呼哀哉昔歲有彗西及台衡去冬長至天雨水冰何

期林華藏我老成計聞宸極來珍聖情贈謚祭墓賜
賻與并百辟卿士長嘆失聲姻戚舊故雨涕填膺昔
余髫髻已知公名長而翹企鳳凰景星壯登翰苑幸
挹儀刑高位宿齒獎掖後生賡歌酣嬉雖若舊盟六
元方會一老遽薨俯仰今昔能不淚零嗚呼哀哉憶
公立朝百僚之上屹若泰山萬峯環向奄云其頽衆
所安仰國有大事事有大疑衆皆視公金鼓著龜遽
云殂謝其疇之歸崇善應變九轉無滯琦有奇骨可
屬大筆公最似之今也則逝相條便宜漢宣中興沆
陳災異宋真守成公將伍之今歸于冥萬方元元誰

惠誰撫九重穆穆孰匡孰輔如何昊天弗吊下土嗚
呼哀哉吉日攸屆靈輻啓行祖奠載道執紼傾城素
驥躡躅丹旒悠揚春雲慘淡旭日淒涼渺渺長路蕭
蕭故鄉黃腸下窆玉樹埋藏佳城鬱鬱長夜茫茫芻
狗灰滅石麟薜荒寒露碧草悲風白楊鴉啼狝嘯狐
狸跼梁雍門之言萬古悽愴嗚呼哀哉

吏部侍郎范公墓誌銘

理

同前

公諱理字道濟一字士倫號省菴宋太傅覺民之後
世居台州自臨海徙天台又九葉矣祖諱彥善考諱
起宗皆以公貴贈正奉大夫正治卿貴州左布政使

祖妣陳氏妣潘氏皆贈夫人公少敏儒端爽佔畢一
呻輒能記縣官嘗以聖壽節習儀鼓吹旗仗喧簇塾
小生羣往觀公獨若無所聞坐誦不輟衆異之長為
縣學生博書工文山畜水湧譽髦皆自謂弗如甫踰
冠中鄉試第一會試第三皆有文銀之梓擢壬戌進
士高第

宣宗嘗召諸進士至齋宮親試用以得其才論公居第
二賜白金五兩楮幣五十緡既而例歸省還朝時重
守令之選拜知江陵縣作榜文諭民懇切且明盡民
口熟之縣當四方之衝過客旁午公嚴禁令雖權貴

無敢如一錢先是民累歲負租至十四萬石都御史
徵之嚴公以民貧不能償也乃召將卒家之佃田號
畸零戶者諭之曰世言戶役既佃田立戶而免役可
乎遂定其等俾各出募役之米因以償負租畢完且
平訟徭勸樹畜郵窮振弱禁奸招逋訪孝子節婦及
忠賢之裔謹學校正禮俗民慶未始得也以舊令復
遠去用薦知德安府亦先榜諭吏民大率如江陵教
養之政後者踐其言每歲必再按屬以省耕收兼利
弊去季必命題試諸生而第之拔其充寘府後堂暇
輒為其師隨州民數百家田為楚府護衛所占猶

輸糧公備奏盡歸其田民感甚皆立主而生祀之滿
去後最異起陟福建布政使時大兵勦賊鄧茂七等
公司饋餉善調度兵皆給食民不加賦朝廷嘉其功
賜絲帶表裏各二楮幣千丁潘夫人憂起家拜貴州
左布政使初貴州草創即驛為布政司以夷之難擾
也久莫能改作公奏徙貴州前衛於他所以其地造
司數百楹不擾而就土官無訾弗能襲職者十五六
公悉俾釐吏無敢難常移文以通夷情間抗章以蠲
逋稅餉兵春以糧秋以銀便省漕四川湖廣饋糧貴
州艱甚公俾代糧以銀為之繼咸時直十二貴民既
獲利而川廣被惠尤溥秩滿擢南京工部右侍郎南
京創自國初歲久凡百皆弊葺造費鉅公不欲煩民
迺請鬻蘆塲之新葦抽分局之腐木碎炭內府庫之
苦瑣布帛通售銀殆萬兩又請南畿獄囚贖者隨葺
造所需而納於是自郊廟宮殿內外諸署城樓街表
或造成葺動輒百千間既脩巡戰諸船數百兵食諸
器數萬皆以次成而民不知又奏各處饋南京糧者
自船抵倉多所費每米石費三斗請兵就其船人支
三月之餉官取費米歲可萬石以備賑貸從之果利
尋轉南京吏部左侍郎考課公明白百僚憚之嘗請

老至再不允滿考赴京途遇疾輿就其子進士綱之
第報舉手加額曰無以報朝廷無以報朝廷遂薨成
化癸巳五月四日也壽六十四

上聞嗟悼命有司祭葬之公配湯氏累封夫人先公卒
墓于縣西長洋之原公以薨之年 月 日合葬焉
子男六長綱次即綱次統次曾同次昌齡蔭國子生
次玄齡補縣學生女二人孫男女十人公早孤事潘
夫人孝虔昆弟友居官清慎忠勤凡政皆精慮而果
行之一以惠利為主故江陵纔七閱月而去之日民
遮阻不克則奔餞數十里慟哭而返少保楊文定公

濟聞之曰世有為縣七月遽得民如此怡愉各書所
薦皆公名馬公謂公賢而文宜督學之職文定公曰
縣既得民矣俾任民牧尤宜馬公諾合詞以聞迺有
德安之陟逮其去德安去貴州也民祖餞如江陵尤
甚德安又勒去思碑於府治焉自庚戌逮今同時革
行無在者歸若魯靈光之獨存而德業聞望隱然動
天下殆書所謂耆壽俊史所謂名大臣者其為文章
操紙筆立就率溫厚坦明深切事理嘗著讀史備忘
天台要畧皆八卷詩經集解三卷德安府志丹台稿
皆十卷藏于家綱將奉柩還葬乃具狀泣請余曰先

君治命固以銘屬先生嗚呼余童而慕公桂林知愛
深矣公嘗入賀萬壽節退燕余第同燕者今戶部尚
書兼翰林院學士商公故太子少保兼吏部尚書贈
少保姚文敏公國子生故盧君楷今余弟守陞凡六
人皆浙解元也三公勲德位望冠當世而公與文敏
對居兩京天官豈惟浙之儀固四海之表也今文敏
殂矣公又繼之悲感可勝道哉銘固晚生之職也况
公治命其取辭銘曰太公國齊簡禮從俗僅五月終
報政何速公為江陵政非呂望加其二月仁滂惠洋
去不能馳稗莠遮阻執袪號咷如子失母黃霸守郡
治莫與夷及為丞相勲烈小虧公自令長郡守方伯
入副尚書居守是職材非偏長所在有績於赫厥聲
不損彌益晚秀獨揚行輩凋盡一老之遺天胡不憇
有馨其俎有澤其封皆

帝之賜恩榮始終台有赤城萬古絕只公之休光庶或
與比

毛宗吉傳吉

同前

毛宗吉餘姚人也名吉自少攻文學尚氣義言論侃
侃不少屈舉進士授刑部廣東司主事嚴明廉鯁訊
因多立驗權貴無敢撓之苞苴雖半號一縷必峻却

山東人有居京者女歸壻反目令女逃匿之山東因
誣壻殺其女權嬖右之壻誣伏坐死獄疑當讞已更
數司閱數歲適宗吉讞得其情密訪女獲之壻乃免
一部推服京城姦民有晝竊人家貨賄謾途人剪其
囊者諺呼小李宗吉捕得其魁箠死之其黨稍戢錦
永衛卒道百司鈎據傳致書片楮以聞輒報可至有
被誣坐族者公卿皆重足待之干請必徇然或犯罪
例入廣東司莫敢孰何宗吉獨法治之如他犯指揮
門達怙寵擅威福能生死人在俄頃百官遇之途皆
躍馬避恐後宗吉獨與舉鞭抗揖於是皆銜之偵其
過百方無所獲一日宗吉以失朝下錦衣獄衛卒羣
吠脅之宗吉徐曰有國法在爾曹柰我何達聞益怒
嗾健卒掄巨挺挺之見骨幾死猶行行自得療數月
方愈人語之盍少貶狗俗宗吉笑不應復職一如故
輿論賢之名聲籍甚陞廣東按察司僉事分巡潮惠
二府黜墨吏摧強宗珍海寇民用寧輯期滿代還民
乞更巡一載從之劇賊楊輝據程鄉縣之寶龍峒其
黨曾玉謝瑩分據石坑龍歸二峒四出剽虜刻期攻
縣治宗吉曰先人能奪人之心亟調官軍集民壯僅
七百人倍道馳至石坑賊三千人出拒宗吉定計令

兵佯退以致之賊躍而進乃督兵殊死戰良久麾伏
兵起遂克之縛魯玉明日乘勝破龍歸擒謝瑩又明
日攻寶龍賊伏山上篁竹間發弩矢我軍阻深谷弗
克進宗吉乃簡敢死士百人人懷十石子從間道攀
灌陟篁竹後投石子亂擊之揚輝殪餘衆驚潰凡破
三峒斬首五百級俘六千人獲白金八千餘兩他物
稱是功奏未報時廣西蠻賊茲蔓高雷廉三府尤苦
之衆推宗吉往巡道路榛塞村落為墟數百里無人
烟攬轡四顧悲且憤慨然有削平禍亂之志至廉州
內官監珠池者方繫民數十人徵賄箠擊幾死宗吉
嘆曰民幸不死于賊者又死於此何忍也遂盡釋之
凡黨內官者悉寘之法衆口稱快至雷州報賊劫大
體村遽檄都指揮石鼎出擊鼎懦不敢宗吉素知海
康縣知縣王麒忠勇可任即命麒率民壯偕擊賊走
之斬首數百級奪還人畜無筭賊入吳川縣分為三
其一由水道宗吉覘知復命麒舟兵追破之其二聞
風潰去相戒勿犯自是部內稍寧因條平賊方畧奏
之

上嘉嘆陞本司副使降勅獎諭委總廣東軍務宗吉益
感激思報以滅賊為已任惠州河源縣告急即兼程

進其敗之舖前又敗之長峰徑口賊遁至清遠縣守
將都督僉事張通遇之戰北宗吉亟進援賊見其懾
呼曰毛家軍來矣遂奔潰凡斬首三百級奪還人畜
數千踰月廣州新會縣告急宗吉提兵至火礮斬賊
首數十級賊遁入陽江縣營于雲岫山仕峒我師夕
至比明擊敗之賊棄營走山上師徂勝突入其營陣
亂賊乘之刺殺前驅潘百戶右哨指揮閻華師遂潰
宗吉勒馬持刀大呼曰劄住劄住潰已不可遏從騎
勸宗吉退避宗吉叱曰爾去吾誓不與此賊皆生益
奮而前揮刀砍賊不已力屈被害成化元年三月一

日也是日晝晦烈風雷雨大作山谷皆震動踰七日
得屍貌猶若生觀還官吏士民吊哭祭奠相屬事聞
贈通議大夫廣東按察司按察使遣廷臣諭祭賜其
家米四十斛布四十疋錄其子科為國子生論曰嗚
呼兩廣之毒一何酷耶自昔任邊事者賊至偽不聞
聞亦不徃徃亦不戰戰亦不力甚者十餘賊驅子女
數百過城下亦莫肯以一矢相加遺人以告則詬箠
之賊去乃始糶兵入墟落殺掠齊民以為功王師兩
征猶踵其故者權貴右之濫封濫賞不吝也朝奏捷
夕告急不詰也陷城棄師失律之將不戮也非誨之

縱賊殘民耶亦無異乎學之酷矣獨一宗吉如兩度
何人孰不死而宗吉聲光特與日星照終古彼偷生
倖富貴者竟何如哉竟何如哉

皇明名臣琬琰錄卷之十三

南山黃先生墓碣銘

潤玉

楊文懿公守陳

山環吾郡而其南若金城諸峯尤峻秀先生樂之故
自號南山而學者稱南山先生無異詞先生嘗仕有
官階矣皆不稱其官獨舉其號而先生之者崇其道
也先生之道性于天而成于自得其學以聖賢為一
鵠以知行為兩輪嘗曰學聖賢一分便是一分好人
又曰明理務在讀書制行要當謹獨此其所以學而
道也方其少時已負文行之譽及其壯強益脩耄老
不懈德足重於衆功足昭於時言足立於世其可謂

有道而甚文者歟先生諱澗字孟清世為鄭人曾祖長卿仕元蟒浦巡檢祖啓翁隱鄉授徒父良以先生貴贈文林郎行在交趾道監察御史母嚴氏贈孺人人生母史氏封太孺人先生方五歲侍母病夜不就寢家人已稱其孝六歲就塾坐立屹然不與羣兒狎書過目輒成誦師奇之十歲行道見遺金不拾途人悉嗟異歲十二聞郡守王公璉肇舉鄉飲酒禮于郡庠往觀之默識其儀歸書于冊師愈奇之歲十有三時改元永樂命江南富民實北京其父當行先生詣官請代官少之對曰父去日益老兒去日益長官異

而從之踰年抵京受廩北城外十里所沙漠寒沍茫無人烟先生與同役築室成比間傾訾給徭賦懇囑蕭疏以為生人不堪其劬瘁先生安之稍隙輒肆力於學以已心為嚴師而靳造乎聖賢擇然後語確不可易焉揆然後動端無所苟焉京有富翁僅一女招先生寓宿其家而同賈先生辭或問之曰瓜田不納履也其慎行若此里中弟子多從之因敷且學間為文辭不作組麗辭刻之語而理致淵永人喜誦味之補郡庠生京闈鄉試擢禮經魁會試授建昌府學訓導丁文林公憂改訓南昌府學蔚有聲績用薦拜行

在交趾道監察御史出按湖廣罪斥濬縣之不
職者至百有廿人威望赫然

英廟即位以學政衰弛命廷臣舉有學行者為憲臣以
董之楊文貞公以先生薦遂陟廣西按察司僉事屏
浮藻獎俊賢士風丕變時寇起軍興都指揮吳某妄
掠子女萬餘口先生劾而歸之副使李立人民死罪
且數百人亦為辯出之萬口稱快南丹衛在萬山中
瘴甚戍卒歲死或幾半為奏徙於夷曠之地人感之
至今丁史孺人憂改湖廣按察司布憲亦嚴巡撫都
御史李實張甚藩臬皆折節下之先生獨無加禮而

連黜墨官二人又皆其鄉戚也故發憤誣奏先生不
諳刑律先生弗辯也左遷和州含山知縣浚麻湖以
復逋租閔蘆場革其積弊徭均訟平民感悅之請老
致仕尋以子隆貴封承德郎南京刑部廣東司主事
閑居簡出日惟玩味經義無厭足平生著述甚富以
朱子嘗欲編禮記附儀禮乃取儀禮析為四卷而以
禮記比類附之不類者附諸卷末首亦各有意義又
以五禮獨缺軍禮因取周官大田禮補之而以禮記
諸篇載田事附為別為一卷通五卷皆為之註釋
曰儀禮戴記附註以小學四書諸經註家或遺或悞

撰經書補註以大學中庸旨皆淵奧撰唐學遺旨以禮記深衣制十有二幅鄭氏誤註為裳而玉藻長中繼掩尺註亦誤撰考定深衣古制以四明新志蕪穢撰寧波簡要志以道德經陰符經古註皆昧各為之註嘗因安遠侯溥問古兵法為註孫子其他備論理事曰南山錄雜著詩文曰南山稿皆藏之家居二十載壽八十有九而卒時成化丁酉五月二日也卜年 月 日 塋 處隆具狀屬余銘嗚呼詩有之雖無老成人尚有典刑老成人之重於典刑也尚矣吾鄞風俗自古樸淳大里之高節董溪之純孝可徵也

宋慶曆淳熙以來諸老傑出表以馴行闡以正學既駸駸于古矣有國初士猶脩德行礪名節尚道學而文藝仕進不甚貴之逮于今則文藝日以盛仕進日以繁而向所謂德行名節道學者或莫知省於是老成人凋謝盡矣而先生歸然若魯靈光之獨存後生小子有志於古者尚可憲而則焉今亦已矣噫可痛哉先生性剛介寡交游其所稱許者四方若李文毅公時勉薛文清公瑄不過數人而鄉邦尤鮮獨與守陳祖考棟芸先生雖顯晦不倫而以道德相契往還聞人見兩先生皆偉貌豐鬚莊重嚴毅畏之若神莫

孰即所談惟性道之淵文辭之奧未嘗一語及世故
守陳少撰杖履侍側聞緒言為多長與隆同舍講學
且久逮先生歸老尚時獲親炙之故知先生為深宜
隆之以銘屬之也先生室范氏封孺人贈繼室以舒
氏五男長性永新訓導次教次道宣義郎次隆以進
士累官四川按察司副使廉毅公雅政聲章甚次達
國子監生孫男廿有七曾孫男十有九先生位不滿
德而年齡之高子孫之顯且衆若償之矣况又有不
朽者在乎銘曰在古聖人未始不學其學伊何道德
矩矱敷為勲勞著為言議以澤當時以覺後世譬彼

天道生物為心霆雨發育日星照臨是二道者蓋難

乎備姬孔至哉程朱其次爰及吾郡二敏豐清敏四

先隸沈揚深寧麟文隸黃東亦各有傳晚生黃公天

性孔懿自其少時已克孝義長而好學昕夕簡編心

驗躬履著述聖賢明理在書謹行于獨發是二矢射

彼一鵠乃齒鄉論乃作校師道尊教洽厥聲四馳迺

陟於朝六察是職茹雪啣冰隼翔鷹擊

天子曰咨學政日靡慎簡憲臣俾振而起八桂成林丹

微之極鳩舌弁裳在泮挾策先生不鄙示之周行沃

醉俾醒著豁而明徒淮湖湘事與事驚雷并臨風

聲逾厲彼貴方遲我守其恒唯昔懷斯則匪我解巧
詆既成用宰百里斲楹為椽大匠斯囑素位安命何
有怨尤利興害去惠人滂流尚丹其心遽白其髮飛
不盡翰歸休于樾有子克肖亦豸其冠孫曾蟄蟄敬
恭暄寒閑居簡游舊著是閱清墨磨丹之死不輟儀
禮為經傳惟戴記合而註焉晦翁之志經書補註庸
學指歸有刊彼誤有拾此遺道德陰符暨孫武子亦
各註之以闡厥旨深衣制幅誤註為裳千載之謬一
朝用章格言孔多厥有別錄餘文暨詩亦溢于積古
者不朽惟德功言先生庶乎鄉之前賢嗟彼蚩蚩孰
寵與利紆朱懷金以炫于世奄其逝矣湮滅無聞孰
與先生身亡名存我銘斯丘匪但焯德且以砥愚庶
其有擇

右僉都御史汪公神道碑霖

同前

都察院右僉都御史汪公被命整飭薊州山海邊備
兼巡撫順天永平二府越二載得疾請歸未及報疾
已亟輿至京師之寓第卒成化十六年四月二十三
日也年纔六十有三自將佐守令下逮兵民皆悲慕
不已交章列其行治請賜塋祭以寵異之制曰可舊
典凡四品以上賜祭三品以上加賜塋今公官僅四

品而莖同三品實異數也非有大得乎下而濟養乎
上曷克致是哉公姓汪諱霖字潤夫廬之六安州人
高祖富德安府同知曾祖景道華縣知縣有能譽嘗
被賜金帛之徵祖克敬不顯父洪麻城縣學教諭以
公貴累封大理寺丞母氏累封太恭人公承家訓
起州學登進士第拜監察御史出按雲南操已慎布
憲公讞獄多所平反吏民安之丁封寺丞公憂復職
按浙江持其素益勵時錦衣衛指揮門達方秉權焰
熾其子商于浙自鎮守官以下皆曲意悅之以公獨
不禮也歸譖之達怒遣校尉偵之卒以無罪也還掌

江西道適

今上嗣大統言官劾門達抵罪薦前都御史王公竑李
公秉皆復任天下謹快公預力焉先是兩廣蠻寇出
沒且十載屢征不克至是命趙都督同知輔率師征
之遂命劉御史慶與公察官軍有生事與冒功者皆
寘之法公與劉協心申令師肅然憚之自京抵兩廣
所過按堵且以策贊帥擣賊穴如破竹既而審首級
有妄者斥之俘獲有條吾民者縱還其鄉凱奏論功
拜公大理寺丞秩滿陟本寺右少卿尋擢都憲被飭
邊撫郡之命遂乘驛徧所治戒將佐練士卒葺城堡

樓櫓簡器械軍器用張虜莫敢犯且厲守宰俾勤恤
民隱無或怠違舊例邊軍糧餉永平府給古北口薊
州給山海關皆以車運費重而途艱然緣邊米價頗
賤公請以銀代糧分給之兵民兩便皆歡放戴感至
今公性孝喪父哀甚迎母就養京邸逮都憲考最例
進階公請輟階進母太恭人之封比死惟以弗克終
養為恨其為人寬厚溫恭臨政詳慎未始徼赫赫名
然其所治無論朔南人皆悅慕之公娶張氏封孺人
子男五人長曰睦陰陽訓術次曰暉曰曉俱州學生
又次曰昉曰眼孫男十有二人睦輩卜墓于其州之

地既請立祭酒仲琛銘周侍郎堯夫表矣乃復請
余碑焉余與公有雅弗克辭系之銘曰六惟古國皋
陶所封於今為州公家其中公之高曾以逮子考三
世顯榮公大猷紹奮登甲科遂典六察威惠所加六
詔開沐兩廣麻沸

帝命師征公監以憲有聞無聲孰狼孰貪孰猛如虎孰
敢干令以犯吾斧運籌佐帥師搗賊窟封豕長蛇是
絕是忽矜彼係累有我赤子釋而從之還厥宅里奏
捷第勲丞于大棘貳卿無何都憲是職駑車按邊將
士用銳高城深壕虜駝而喙督守與宰字其下民兩

稿俾秀化卷為欣胡不老老僅者而逝小大運運交
傷並唱

天子有詔斧封魏魏刻石基道過者式之

少詹事柯公傳潛

王文肅公傳

學士柯公諱潛字孟時別號竹品興化莆田人其先
晉江人五代時有諱寶者官大理評事徙莆之武盛
里生宋戶部員外郎峽戶部生長陽尉濟長陽生潮
陽令瞻瞻之孫贈承事郎昱再徙邑中安樂里今所
居柯山是也承事生海豐令新之由海豐二世海
陽尉密海陽以下又六世至公高祖憲孫曾祖君寶

祖德平皆不仕父原璞用公貴累封奉訓大夫尚寶
司少卿兼翰林院脩撰配戴氏累封宜人公生有奇
質穎異絕人數歲能作詩十五能為舉子程文從鄉
先生林知縣庭芳方行人游游補邑庠生正統甲子
領鄉薦當赴會試以未忍離親未果行遂携書入蓮
峰僧舍講讀不輟戊辰會試中乙榜辭弗就教職入
胄監攻苦敷淡益肆力於學景泰辛未再至禮部遂
中甲榜進對大廷賜狀元及第賜宴賜朝服冠帶公
上表謝越數日授翰林脩撰公丰神峻整言動謹飭
是時翰林諸老多在咸愛重之為之延譽未幾賜五

倫書五經四書專用薦入經筵自是凡朝廷用人有
制作加恩典公皆與焉壬申四月陞右春坊右中允
兼脩撰五月預脩歷代君鑒書成賜白金十兩綺二
表裏中戊二月禮部會試為同考試官五月預脩寰
宇通志三載滿授勅命進階承德郎推封二親及妻
戴氏繼室俞氏丙子五月通志成陞司經局洗馬仍
兼脩撰加賜白金文綺八月考應天府鄉試舟維淮
揚有舉子鬻私者暮夜投公公叱之彼固以請以所
賂遺置公前公怒命執付有司治以法是秋場屋肅
然比揭曉咸稱得人還朝乞歸省未行

英廟復辟改元天順更授公尚寶少卿兼職如故仍許
歸省己卯二月命脩玉牒庚辰春命偕呂學士原考
禮部會試十二月命充東宮講讀官尋給誥命進階
奉直大夫加封其父母妻癸未二月復命偕陳學士
文考會試會場屋火罷甲申

今上即位以隨侍恩陞翰林院學士三月有旨選進士
年少質敏者李東陽等十八人入翰林為庶吉士命
公教以古文詞學八月

上御經筵勅公兼經筵官仍賜白金三十兩寶銀三千
貫文綺二表裏九月奉旨纂脩

英廟睿皇帝實錄成化改元八月考順天府鄉試九月
玉牒成賜宴兼賜白金文綺寶鏤丙戌廷試與讀卷
賜鈔千貫是月再奉旨教庶吉士林瀚等二十四人
十月賜新刻貞觀政要十二月命掌翰林院印丁亥
五月實錄成陞詹事府少詹事兼翰林院學士賜白
金三十兩金織綵段三表裏折衣羅三表裏賜宴禮
部十月賜大明一統志戊子二月命日侍經筵講讀
自辛巳迄戊子凡遇午節輒賜牙骨聚扇上有御製
清暑歌解愠歌及諸家繪畫金織扇袋五色圓壽絲
縷虎頭條畫艾虎七月有詔諡慈懿太后山陵事內
閣大臣先進章公率僚屬繼進論合葬於禮為宜明
日文武羣臣復繼進未得旨公復具疏期以死請曰
朝廷大事臣子大節舍是奚所用心頃之俱召至文
華殿諭可其奏衆懽呼而退十二月賜經筵儒臣七
人襲衣冠履公已聞父喪

上命即其家賜之既而有司為少卿公請祭命并與葬
蓋異數也公感激銜哀就道抵家不入中門寢苦枕
塊不脫經帶擇墓地于所居東一里許和溫山麓以
不忍離喪次圖繪形式付其弟通州學正江董成之
時母戴宜人在堂事之逾謹倍極甘脆己丑九月季

弟澍病親為調藥比卒殯於中從厚朝望易期服哭
失聲而後返衣衰居苦次君子謂之有禮庚寅正月
戴宜人屬疾越五日卒公哭踊絕而復甦朝廷聞之
復遣官諭祭辛卯四月有詔起復時祭酒缺員久難
其人

上知公剛方將用之以厭士論公聞命具疏乞終制大
畧言忠與孝豈有二致事君事親初無兩心使親喪
可短則他日所以事君者可知矣

上覽疏許之初公素無疾至是以久居苦塊患左足風
痺未平而寒熱繼作公自知不起呼學正君與之訣

瞑目而逝時癸巳八月十一日也年五十一訃聞

上悼惜遣官賜祭復命王曹營塋公娶戴氏先卒繼命
氏南京禮部侍郎綱之女子三長森次林戴出季宗
文側室王氏出女二公天性孝友養親養志友愛二
弟撫育從子尤極恩意念季氏早沒悉以先公所構
寢室讓與其子宗璧而自與學正君別作室于都廳
東西以儉陋自居人以義稱公稟氣峭直操行耿介
發為文章嚴整有法類其為人其為詩新清微婉尤
有風致其性喜遊供職之暇時借二三知己窮覽勝
樂雅歌投壺分韻賦詩標度豁如也既終院章即詞

林後國結清風。天下鑿池。時逢。其。非。來。公。遺。實。
坐其中。又脩然。若真。登瀛洲者。至於遇事。感發言論。
侃侃揚推。古今毅然。自負如公者。可謂動靜不違。守
之以正者矣。故雖官庶僚已繫天下之望。位日通顯。
望日益重。雖嘗以聖賢之學。啓沃聖心。其平生所蘊。
蓄抱負。蓋未及少。施于天下。故其歿也。匪徒士君子
傷之。雖天下蒼生。其素所屬望者。蓋不能無缺然也。
使天假其年。

上柄用之。其所經綸。贊理宜何如哉。予聞之。宋儒明道
之卒也。或有問於富韓公公曰。伯淳無福天下人也。
無福。又不知今日之知公。亦有如富公之知明道與
否也。僕忝與公同年及第。同官翰林二十年。辱公契
愛。為深。公易箒時。其家人各以後事。公無他語。第曰。
爾往南京。見王學士。訪之。境。顧予何人。敢承公死生
之託。耶。閱月。計至。予既為位。哭之。謹論。次其平生。以
為傳授。其子宗文。使傳焉。

太常寺卿王公墓誌銘 獻

同前

公姓王氏。諱獻。字惟臣。號退菴。杭州仁和人。也曾祖
諱思誠。元醫學提領。祖諱性安。冠帶醫士。贈太常寺
卿。兼翰林院侍讀學士。祖妣楊氏。贈淑人。考諱智初。

封編脩後累贈太常寺卿兼翰林院侍讀學士妣顧氏亦累贈淑人繼母俞氏封太淑人公天賦穎異羈貫知讀書記誦日數百言不煩熟復即終身不忘十五學通經肆筆作舉子程文十七領鄉書明年景泰辛未登進士第與狀元柯潛等二十八人同進學東閣賜居第給大官酒饌及膏紕費命內閣大臣典領之蓋不別立師不出就外署一如永樂初科故事公感際遇益肆力於學工古文詞在同年中最號敏贍時公猶未娶吏部侍郎淳安項公見而竒之以女妻焉癸酉授編脩與脩寰宇通志陞脩撰天順初乞歸省賜路費鈔逾年還朝命入內館授中貴人書癸未春同考會試會貢院火秋復試復為同考是科先後兩入簾不改命者惟公一人丙戌脩撰秩且滿先公訃至即日陞辭星行抵家治喪塋戚易兩至暇日與鄉人接恂恂謹厚無一毫早達貴侈之態人以為難尋用薦起復之公疏乞終制服闋陞左春坊左諭德兼脩撰庚寅命充經筵日講官賜大紅織金襲衣束帶冠履辛卯再賜大紅羅衣一襲是秋主考順天鄉試壬辰充廷試講卷官賜寶鏹千緡未幾陞翰林學士癸巳賜金帶本朝學士非典密務侍日講者皆不

與是賜益異業也乙未復充廷試讀卷官賜寶銀千緡丁酉朝廷用儒臣議追崇

先聖禮樂遣公祭告闕里比還適所嘗與脩宋元通鑑成陞詹事府少詹事仍兼學士戊戌

皇太子出閣命侍講讀于文華殿又命偕學士南昌謝公教庶吉士梁儲等于玉堂外署滿三載乞恩移封受詔許之今制凡朝臣五品已封者即四品不封先既贈諭德今加贈詹事皆兼兩銜妣亦由宜人加恭人人亦罕與為媿辛丑主考會試壬寅脩文華大訓成陞今官甲辰丁未再充廷試讀卷官復再賜

寶鈔蓋自擢第入翰林于今三十有七年先後擢院章者十有六年而年已五十餘後進推公為先達知已期公於大用公雖謙不自居而亦頗自信其必至然訖不登樞筦履屐要劇以少展其所抱負君子惜之所謂行止非人所能為而天實為之也公為人性度夷坦襟宇澄霽與人交洞見表裏為人謀不擇利害嘗有同官最厚者卒而子幼家事為二弟所持公忿然不平乃拉二三友為之處分不得逞遂造為無根之謗以誣公好事者從而扇之公雖弗為辯而亦不能釋然于懷卒之以此雖終身而不免永年於

是識者又深惜之謂人來勝天而不可盡讓之命也
公學春秋三傳作詩文有奇氣好持論而切於用事
作字亦飄逸類其為人客至對奕終日其所自奉雖
儉而供具必豐比遭謗則罕與人接遇親舊亦寡言
初拜官時年方少而癯眇中歲漸豐腴比年乃更羸
然如不勝衣蓋時已屬疾猶日侍朝供職相知者纔
一月晨不見而公已易簣矣成化丁未八月四日也
享年五十有四訃聞

上憫惜之贈禮部左侍郎遣官諭祭命有司營墓歿後
三月兄惟貴自鄉邑來歸其喪以年 月 日葬

山 原因念公之子寔久廢於痼疾慮無以紹其
嗣乃請於朝以其仲子雲後公制可之併以雲為國
子生俾之有世祿焉吁哀卹之典厚矣公配項氏贈
淑人先十二年卒生男一即寔女三繼劉氏亦卒側
室生女三皆幼子曩在景泰初與公同年及第同讀
中秘書又同官翰林同居一坊交相契而往還甚款
密一日公與童庶子大章過予大章好譁浪喜說相
談死生之理自謂其體太魁碩當不壽公亦清脩不
耐老吾二人先死銘皆於予是屬蓋予謹長大章一
歲死先後未可知若公則少予十稔我銘當以屬公

嗚呼而錄之後予去官南康二十年不遇其子
不及銘惜其存二大節如不附石總兵來官至境之
不去辭紛一朝士廷厚石氏之黨

上憲索其人而大章不妄指以這已責當時赫之而後
世無傳焉予深有負於大章也頃予被召北來而公
歿甫十日謂可圖或言於公而公家不予知遂不嫌
自售請於編脩君得其所述事狀為按而序之蓋千
載之傳雖不宜託之蕪陋謏淺之詞而片言之諾庶
足以全夫朋友死生之義故不復他恤而卒為之銘
銘曰仕既逢時位亦不庠直騫橫馳靡適不宜胡齎

其施而止於斯尚永於垂刻此銘詩

戒軒先生傳

都御史門人楊璿撰

先生常郡錫邑人也諱善字擇賢姓馮氏故邑著姓
高祖亨甫曾祖達鄉皆業儒大父彥嘉福建都衛經
歷父景春先生天才極高性剛果遇事不少假借故
號戒軒以自徵時學者未知所向慕先生立言行已
皆以放斥浮詞敦尚實行卓然為東南文學之倡年
二十為州里師擅發疑義為學徒陳道諸老生無能
論難者長益肆力問學期底于實用宣德初兵科給
事中陳玘左遷邑丞察其賢以經明行脩薦為本縣

儒學訓導先生辭不獲廼曰廟堂之臣恢弘事業學
校之官陶冶人才人才成則事業見卑其職豈

朝廷養士意邪乃拜受之先生雖以書經起家而博通
五經其論學術則曰五經一理也兼通而時出之始
克稱儒自漢以來儒者執一經以名家非所以博學
而反約也其論道統則曰斯道在天下有統有原原
出乎天統存乎人吾邑自喻允諸公得楊文靖之傳
於紹興嘉定間既久而晦蝕數百載之下豈無上接
其傳者乎乃建議以為先賢乃儒教之根源道德之
脈絡學宮舊有祠多歷年所浸至蕪廢今宜以中楹

復祀文靖公以下五先生東楹則祀鄉先賢如唐李
紳輩西楹則祀有功於學校如元虞薦發輩上書當
道遂從其議蓋先生以繼往開來為己任倡明道學
力拯頹風復遠於正是以士子翕然從之而先生之
聞望益高既而丁外艱治喪參酌古禮含歛葬祭痛
革俗弊不用浮屠大為時輩詆笑縉紳間亦有毀其
難行者乃取朱子家禮質以

太祖高皇帝御製孝慈錄等書并朱子後來所行與家
禮不同者逐節筆之如喪禮舊以嫡繼慈養母斬衰
三年祭祀則四代共一祝板之類皆革去家禮舊文

一遵

國朝制度如深衣續衽鈎邊黃禮惟父母用素麻領黃版與夫祭禮冬至立春不祭始祖之類一以朱子晚年所行為主家禮原文不復采錄以至引用諸書并漢唐宋以下諸儒居家雜議有可依據者萃為一編目之曰家禮集說叙而習之以立備齊之本大意以為時有古今禮有損益脩而正之變而通之此家禮舊文雖少變於今日而未始失其禮意也知禮者是之其書遂行今江南士庶家皆遵之民風亦為之一變初先生父以註誤備遺母悲哭喪明先生恭鞠侍養躬自浣濯衣不解帶者十年母目復明至是父歸卒廬于墓者三年有司欲舉孝行先生以母老固乞近地迎養奏可復陞安慶望江教諭先生自負甚遠恒欲草封事論天下大計復念犯位卑言高之分則又歎曰時不我值命也柰何一枿去牙角既無所發其忠愛則以勸進後學為事旁引曲諭務啓其聰明故出門下士隨才各足一時登拔者獨盛于他郡嘗與江西鄉試黜浮陟實士論多其得人景泰紀元以秩滿赴銓曹見撤民居為巫立廟走告大宗伯胡公漢願罷其役詞氣激切胡公壯之謂其心術正大不

宜屈置閒散方將薦聞而先生竟致政歸當是時年
六十三矣又十三年而預自為誌又三年而終得年
七十又八其自誌曰昔孔明自比管樂時人莫之許
今時人許先生有匡世之才卒靡冷官而止人皆惜
之先生無悶也其教人以倫理為本詞章次之化導
諄懇能得士心故沒而士子思之有司崇之錫山望
江各崇祀於鄉賢祠有子三人泰濟豫泰世其業領
丙子鄉薦其平生所著扶樹教道有戒軒文集若干
卷宣寄性情有戒軒詩集若干卷參訂古禮有家禮
集說敦厚風俗有錫山望江二誌其門人分職中外
者自郎中李瀨以下餘二十八人具載先生自誌而獨
以珞為合志故於其歿也既表其墓以為天下勸復
疏其事為傳俾泰附之家乘以俟史筆

論曰余讀戒軒等集知漢儒之不好法言也道
之行廢命也先生為貧而仕非有行道之責既
老不自休抑自問也孔子云文王既歿文不在
茲乎安定為蘇湖教授門人皆有可觀後世與
韓范並稱立功與立言所得有不同哉然先生
非儒官亦不能著書如此云

戒軒先生預述墓誌銘

戒軒先生錫人也馮其姓善其名擇賢其字父景春
不仕大父彥嘉福建都衛經歷曾祖達卿高祖亨甫
皆不仕戒軒平生讀聖賢之書樂聖賢之教求堯舜
禹湯文武之心志堯舜君民之志不戚戚於窮恒熙
熙自足年二十受徒州里三十九舉經明行脩任錫
庠師轉崇明六十試官江西六十二致望江教諭政
歸錫奉母終老焉以父母即天地嚴加孝敬故於生
事壘祭一遵於禮不敢有違其為人性剛勁觸事易
忤一毫到人若撻市朝故號戒軒以自抑其性氣先

生天才頗高識量亦異於衆善料事人亦帽服門人
郎中李灝布政楊璠叅議馮諶僉事談秦府縣職陳
綸王納輩學職楊盛唐旭輩二十餘人施政立事惟
揚布政合其志嘗曰天下人才一邑人才也吾邑若
此餘可類推後世不及唐虞三代者人才為之也恒
欲封事時政不敢犯位卑言高之分吁孔明窮耕南
陽自比管樂時人莫之許今時人許先生有匡世之
才望先生有匡世之任卒靡冷官而止人皆惜之先
生自若也使先生果得顯任其能匡濟否乎或曰先
生志先齊君民之志得其位必行其學恐行其學不

能阿順不得久居其位冠舉韓琦貶斥不無也嘗在
朝見撤民居為五土廟往告胡宗伯勸其力諫罷其
役慎言切激人笑其意以此觀之可見其忠君愛民
之心正大矣雖然此皆空言特論心之所存而已先
生自致仕歸自以不能行道濟時恒懽於中錄醫方
合藥以拯民疾述家禮以正民俗修誌書以篤民風
躬行孝弟以敦倫理勤儉治家以杜華競鄉邦吉凶
事咨訪而後行奉母之餘惟琴棊適趣而已不預餘
事以書經起家教其冢子時恭登景泰丙子科吳啟
榜鄉貢進士授河南沙庠教諭分俸就養于家天順

六年七十五歲自感康寧無恙安享天祿做杜牧之
生前自為墓誌越

成化乙酉六月十六日卒于正寢

享年七十又八歲卜以是年九月十六日葬于開原

鄉憲巷之原從先兆也配盧氏先卒生三子長泰娶
秦叔豫女次濟娶殷序賓女庶子豫娶周信民女女
一入遣談熙嗚呼若先生之生平出處涉歷備至弗
畔於道式克至於今日休亦百中之一二耳懿哉乃
系之以銘銘曰

教官三紀歸老巖阿人以為少我以為多存順
茂靈吾末如何自吟不盡留後人歌

皇明名臣琬琰錄卷之十四

大學士彭文憲公言行錄時

尹侍郎直

彭時字純道安福人進士第一歷仕正統成化間位
至少保吏部尚書兼文淵閣大學士卒年七十贈太
師謚文憲

公自少端重寡言不與羣兒相狎戲惟奮勵讀書治
春秋從叔父僉憲及憲副二公學屬文輒有驚人語
二公喜謂他日必為宗工及領鄉薦入國監博學精
思為海內士所推服祭酒李文忠公尤以公輔器待
之初入闈與恭和陳芳洲諸老遊公雖晚進積學素

後始無愧焉後復入閣

英廟方倚任李文達公有事數召面議文達退即請慶於公輔益居多其有不可者每據理力爭不肯一跪隨初或意相忤久之心服其公且明語人口彭公真君子也天順末錦衣衛指揮使門達甚見寵任忌文達與相軋陰中傷之

上曰李且得罪行專用彭某中貴以語公公矍然曰李公何遽至此因為力辯其誣語聞文達得釋

河南有衛官頗強橫凌人用事者誣其謀反門達燬煉成之公曰人可輕殺耶具言於

上竟得從末減活其家數十人今

皇帝嗣統進吏部右侍郎兼職如故是歲秋同知經筵丙戌乞歸省詔馳驛往還太監許安致道理費長隨張敬護送抵家未喻月手勅促還朝丁亥二月至

上憊勞之六月以四川宣府遼東地震上疏陳六事皆規切於時政八月總裁

英廟實錄成進太子太保兼文淵閣太學士尚書如故

戊子夏陳蒞靖卒公上疏言才識迂陋今冒居內閣首僚何以下副羣望乞妙選出表才賢擢居前任

上曰卿輔導有年才識老成何以辭為

慈懿太后崩詔大臣議處所來相視莫敢先發公曰梓
宮當合葬祔陵主當祔廟此一定體無可議者具疏
引漢文帝合葬呂后宋仁宗合葬劉后故事乞念綱
常之大體

先帝之心必求其至當此實綱常典禮萬一有違在廷
百辟將有言之宗室親王將有言之天下之大萬世
之遠亦將有言之豈能保其終無據理改而從正者
乎

上猶重違母后之意未允公與在廷文武群臣伏文華
殿以請或至嗚咽泣下

上為之感動卒從禮制是秋彗星見越三台公上疏乞
痛加脩省而謂外庭大政固所當先宮中根本尤為
至急望正名分均恩愛以廣繼嗣為宗社大計又言
大臣進退皆宜斷自宸衷不宜專任臣下如平昔察
知其人或召吏部面議或召臣等叅詳庶權出於
上皆嘉納之平涼土達滿四反官軍連失利都御史項
忠奉詔往撫捕之公料其必成功而朝議洶洶咸欲
再遣將出師公執不可或以危語動公公不為動未
幾獻俘至議者始服

上嘉賜侍奴一人己丑冬無雪上疏言自古旱災皆由

下民困苦怨嗟之氣感動天變而致近日光祿寺之
買辦各城門之抽分括剋太甚而獻珍珠寶石者私
賄估直之人倍增其直以規取府庫以萬民之供饋
而為奸人之所侵奪伏望盡革其弊以惠生民
上是其言京師為之踴躍辛卯十一月慧復見上疏言
德政之要其一乞崇正道而毋惑於佛事其二乞謹
命令之傳廢事出於一而無詐偽其三請選朝之暇
延接大臣面議政事兼問軍民之休戚訪人材之賢
否察治體風俗之得失其四言近聞嬖倖無故以受
金帛者多工匠無故而冒官職者衆是賞太濫也或
罪不應請成而請者或罪不至死而死者是刑太深
也宜節賞慎刑以遵成憲其五乞以古之聖賢為法
聽受羣言勿惡其切直勿忽其迂遠苟當理者宜即
行之其六言股肱之臣耳目之司近多主於奉承而
嫌於違覆直行已意而不加斟酌乞戒勵各官慎備
厥職股肱者事有不可宜再三執奏毋率意而行
司耳目者遇事為民盡宜即劾奏毋徇情而默廢百
官奮厲興起事功其七乞清理三營草場減違濫費
庶田嚴有司括剋之禁庶軍民得所邦國永寧

上曰然卿等宜益勉佐理

太祖勳未成漢書其有軍功宜追封為伯公力爭之
或曰自古有封王侯者公曰此盛世事耶

祖宗成憲具在誰敢違之事遽寢壬辰天下水旱相傳
復上疏言時政闕失乞放歸田里不許乙未正月陛
少尋復病蓋自己丑以后凡七在告

上輒命醫視疾遣內臣致猪羊鷄鶩酒米之賜踰月不
出則必再遣馬病革衣冠端坐徐言曰死生常理不
足驚但冒居天位上不能報國下不能養老父耳無
一語及私問之亦不應是夕遂不起三月二十二日
也公資稟既異加以問學之純自少至老敬謹如一

日居間無隙容行則兩手常端拱飲食不聞匕筯聲
尤不喜紛華先後蒙賞賚白金幾千兩綵幣數百鈔
十萬緡冠帶衣服書籍器玩鞍馬飲食之類有加而
公處之泊然終歲不一二宴會會未嘗有音樂於物
尤愛惜雖片楮寸墨未嘗輕擲然非其義一毫不
苟取與人接色亦有和無疾言無喧笑詣謔聲至於
論辯事理則確然有不可拔者交朋友久而益敬人
有善稱道之唯恐其不彰論薦人材未嘗私以語其
人常一典應天府鄉試一主考會試四為廷試讀卷
官皆稱得人大臣聞為新進所媒棄者必反覆辯析

且以愛惜人材之意上達言官以言諫或微過被譴亦必委曲言其不足深罪賴以全者甚衆滋彰解如淵歷事

三聖抒誠秉謙不大聲色淳敦躁恬化機潛幹豈徒代言

少保尚文毅公墓志銘

同前

成化丙戌冬詔起前兵部左侍郎兼翰林院學士商公於淳安中至則復職仍叅密務公辭不允乃感激就任累遷太子少保吏部尚書兼謹身殿大學士

丁酉以疾懇休

上察其誠從之陞太保兼職如故賜璽書金幣襲衣珪錡給驛以歸抵家十載始卒丙午七月十八日也旌生永樂甲午二月二十五日壽七十有三訃聞深見悼惜贈特進榮祿大夫太傅謚文毅遣官諭祭者四命有司營塋如制嗚呼始終榮哀至矣公諱輅字弘載號素菴姓商氏始祖諱瑗宋嘉祐間自西夏都知兵馬使來歸賜地于邑芝山子孫因家焉三世俱以蔭補官至祖敬中考仲宣咸因公貴累贈資政大夫兵部尚書兼翰林院學士祖妣胡氏妣解氏俱夫人

公幼穎敏年趨宣德乙卯以壁經獲解漸聞正統乙丑會試俱第一授翰林脩撰尋命進學東閣壽期大用繼選經進展書遂命進講己巳陞侍讀擢入內閣時

英廟北狩國勢危疑妄有倡議南遷者公力沮之虜逼京城公與文武元僚經畧戰守遣官撫輯旬居之虜徵各邊師選兵入援揭榜賊營購虜猶偽為喜寧報誘擒也先書故遺于虜營虜得勝與書故自相疑道明年景泰紀元之秋徃迎

英廟回鑾於居庸關草詔稱旨賜酒果馬足既而錦衣

盧指揮妄言南內事窮治不已公言此不足信獄遂不竟壬申初議易儲公謂此國大事有

皇太后在上臣下誰敢議此明日有旨會多官議附和者衆公爭不可踰歲鍾同章綸相繼請復儲下獄禍不測公因召對力救綸竟得免丁丑春

景皇帝不豫公即與陳公循倡請復儲以繫人心不允繼具疏公援筆增二語陛下為

宣宗章皇帝之子當立

宣宗章皇帝之孫擬詔旦進至期變作正月十七日也先帝復辟首召慰諭且問改元公對當同循等具請裁

定又明日權奸嫉言官摺據再劾坐免朝廷尋知非
辜欲復用不果公家居怡然養母訓子杜門不出及
復起首疏八事舉切時弊戊子以地震乞罷論以方
託調燮豈宜去是夏詔議

慈懿皇太后葬禮公同彭文憲公力言附陵祔廟理不
可易至率廷臣伏闕泣請卒從尋因彗見言官有所
誣詆公力求退奉旨朕用卿不疑何恤人言至詰責
言者唐太宗用王魏朕用商輅何不可欲加譴調公
言臣嘗勸優容言官已荷嘉納如脩撰羅倫復請召
用今因論臣而反責之如公論何特允所言召公至
榻前勉慰再三尋陞尚書仍兼學士蕃酋滿四叛官
軍往討未下廷臣規再出師邀公有危語公與同官
執不從未幾捷至

上喜賜公等停奴各一已丑冬煥公陳時政之弊辛卯
冬彗見復疏八事壬辰以天下水旱相仍請省科歛
減力役寬兩稅弛利禁悉從之是冬奉敕修續資治
通鑑綱目乙未夏進兼文淵閣大學士丙申加太子
少保改吏部賜冠帶一品服時禁中建玉皇廟公論
毀之又請建儲尋因黑青見極陳時弊丁酉兼
殿學士時內臣汪直創西廠刺事權傾中外公與同

寅指斥激切即為革職公亦決於去適得辭公
氏封夫人先卒初葬邑西山之原子男三長良臣第
進士仕至翰林侍講先公兩月卒于京次良輔以公
蔭授禮部主事孫男四汝謙國子生汝順邑庠生汝
晉汝恭女四曾孫男四良輔將以卒之明年 月
日奉公柩啓虛夫人之封而葬焉前事以太常卿兼
學士王臣所述事狀屬銘直公門生素承愛重方聞
訃悲慨不勝銘何敢辭惟公半儀山上襟度淵澄詞
氣溫徐平居敬慎不懈接人恭遜早擅三元旋登內
閣以經濟為已任以薦賢為首務問論古今治亂事
機得失賢否疊疊不倦文牘盈案裁決如流中遭誣
間夷然不校權奸既敗事白復起倚毗益切建明良
多一時儉士構傾舉無能為卒之身退名完德業著
于當時風聲聳于後世視古名相碩輔如勅之重厚
崇之應變旦之沉靜亦何忝哉先後蒙賞賚金幣冠
服書籍鞍馬飲食之類頻腆而自處泊然嘗一主考
會試五為廷試讀卷官皆稱得士於書無所不讀為
文渾厚雅贍詩主平淡不雕刻有集若干卷傳于家
蓋一代偉人宗工銘以昭之宜矣銘曰天佑

皇明川嶽鍾靈為生魁傑為時偉人有偉文敷早擅三

元荐登內閣參差衡鈞展志行道克濟中興事遭變
故東歸角巾坦懷清慮訓子奉親竭忠自白寵命更
新匪躬匪懈弼亮經綸因天仁愛讜言屢陳宸衷事
契海宇又寧明良魚水今昔奚煩羣比醜正力辯以
貞松栢挺秀陰靈廓清倚毗方切其如功成辭盈戒
滿奉身完名涼風曝日洛社耆英慶延哲嗣澤在斯
民諸福克脩始終哀榮流芳百世視此銘文

副都御史魯公墓志銘能

同前

都察院右副都御史魯公奉勅巡撫甘肅也甫下車
即嚴明號令簡閱部伍振張鎮目補剔利弊兵備咸
飭聲威遠著虜寇不敢南牧朝廷可無西顧之憂矣
無何遽聞父喪請歸守制屬違務方殷代者不至弗
敢輒離日尚墨衰從事摧毀勞劬形神瘠耗疾作不
可治卒于關內道之公館寔成化丙午八月十日也
有司欽襲如禮歸其喪訃聞

上深悼惜遣官諭祭命有司治塋域卹典厚矣其孤以
予為公同年素相善持同郡副都御史李克承所述
事狀來請銘按狀公諱能字千之姓魯氏世居寧國
涇縣曾祖通寶國朝洪武初以民兵守禦宣州有功
陞總旗十七年調廣東新會縣守禦千戶所子孫遂

為新會人祖諱保祝考諱真號素軒先生以公貴累
封戶部員外郎妣周氏繼母陳氏俱宜人公資質端
重性聰敏早嗜學素軒喜曰吾世武弁以儒業起家
必是子也遂遣從經師游年十六選補邑庠弟子員
勤勵不懈學大造詣景泰庚午以書經領鄉薦甲戌
登進士高第觀政冬曹時永與王薨公奉命營葬事
提督有方事如期集還朝除南京戶部四川司主事
天順戊寅丁周宜人憂辛巳服闋改戶部山西司初
考績最推恩給勅封贈父母成化丙戌陞員外郎明
年以繼母喪去官辛卯起復改江西司壬辰考最給

誥推封如制尋陞湖廣司郎中癸巳陞陝西布政司
右叅議戊戌進右叅政庚子陞右布政使尋轉左使
甲辰陞都察院右副都御史巡撫甘肅公歷戶部曹
務繁劇區畫綜理嚴密而均適國用以舒司徒多倚
重之在藩時分守臨鞏二府清水縣城久犯虜寇
卒至公親率官兵且築且戰城成虜自遁去繼奉
重書總理公郡三邊糧餉都行三司屯種徵運以時
遠近有等而民力不疲每歲戶部給來糴米銀數十
萬兩舊多乾沒於權要公估直分糴倉合無虧而兵
食以足創會計堂一兩於公堂之左凡民徭邊儲洎

王府祿米所當預計者則集僚佐嗜度其中務在均
節官民兩便故歲雖侵無稽道甲辰陝右亢旱不登
民相食公虔禱群望百方區畫古今救荒之宜舉行
殆盡由是多所存活雖間至死不怨而一方卒賴以
無虞公之力居多朝廷加公勞動肆有巡撫憲臣之
命是年十月也公生宣德戊申九月二日娶羅氏有
淑德子男二長文衡次文鑑嗚呼公為人溫厚坦易
慎交際口不道人過失至論公事則執定見侃侃不
回職所當為鞠躬盡瘁歷官三十餘年位躋二品甘
嗜淡素如布衣時蓋志在澤民安社稷而已銘曰嶺
海之間清淑攸萃允毅魯公穎越群類早與計階甲
科廷對荐歷民曹國賦充倍出牧陝藩旬宣罔懈振
張領目簡略苛碎厲歲大侵百方振貸億萬生靈撫
摩勞來民免流亡感激愛戴僉曰微公此生豈再令
聞以昭

帝心簡在制曰爾能敵吾所憚乃遷都憲凜凜風裁惠
滿崇陰威行榆塞素志方伸營星奄墜卹典既優弗
壽奚慨勒詞貞珉昭示永代

兵部尚書謝公墓志銘一

同前

皇上臨御廿有三年既充於總攬洞鑑群情乃赫然渙

比繩違更置一二大臣首召直於南都參典事務且起致仕都憲劉公叔融正中臺繼擢李公谷德位冢宰公位司空劉公召和為少宰黃公文昭貳宗伯吾江右士夫素以剛介寡偶一旦聯陟輿論翕然稱快予輩感激胥規誨天心匪躬期不孤簡任而工部政務尤號猥冗公方去翰墨躬校案牘嚴勾稽剔蠹弊謹物料出納之數正匠作逋匿之罰工師宿黠者悉斥遣之不得近左右凡有營繕必計程期慮財用以授屬職廉能者董之故費出有經力役無困明年春公得痰疾在告三月上書辭俸優詔不允疾少間亟出視事病復作是夏五月十九日夙興盥頰訖衣冠出坐小齋溢然而逝訃聞

上深悼慨特賻鈔萬貫贈太子少保遣官諭祭再命有司治塋如制蓋寵任方隆而遽不祿惜哉其孤紀以刑部侍郎何公廷秀所述公事行丐予銘天順庚辰予同考會試公得卷列之第三為天下書經魁進試于廷

英宗皇帝覽公所對策嘉悅之擢第一傳臚之旦康素來中橋神廟自開老李文遠公尤喜得人後有及第者輒曰安得俸器如謝某者乎除翰林脩撰同庶吉

去讀中秘書由是所學益博而精

上初嗣統進公侍經筵被賞賚預備

英廟實錄據事直書得史官體書成陞左春坊左諭
加賜銀幣九腴繼脩續通鑑綱目時預脩者僅十有
四人公分脩元史凡所褒貶一依朱子書法多正前
史之繆既成進御陞翰林學士宴賚有加嘗因星變
上疏陳五事一正宮闈以端治本二親大臣以詢治
道三開言路以決壅蔽四慎刑獄以廣好生五成吏
費以足財用忠懇剴切多人所難言者丙戌同考會
試甲午至考南畿鄉試鑒別精明得士居多戊戌皇

太子出閣詔簡儒臣侍講讀公與馬庚子陞禮部右
侍郎凡制度儀文多所裁定前所未有者必稽經據
史叅以時制具為儀注務使考行一時同事者咸推
公練達故遷司空政績卓然有非迂腐者可比公諱
一夔字大韶姓謝氏其先本普太保文靖公安之裔
世家南昌之古源祖永亨避仇匿姻丈王氏家遂從
其姓及公貴顯迺請于

朝復謝姓曾祖公政祖即永亨父得仁福建汀州府
推官俱累贈資善大夫工部尚書前母安人母范氏
俱夫人郡推始授汀經歷以廉惠得民被薦陞推官

謙徽明愨正統己巳沙縣大盜起攻圍汀城勢熾甚
群推集民兵助閩帥守禦屢剋賊鋒圍既解官軍誣
執村氓四百餘衆為賊又為力辯得釋民德之尋卒
于行營汀人建祠焉公嘗得告歸省先塋因往汀祠
祭奠遺民迎拜靡然相愛皆嘆公賢貴信為郡推陰
德之所致歟公娶鄧氏累贈夫人先公三年卒初葬
邑之
山之原至是諸子卜以
年
月
日奉公柩合窆焉子男三長綱鄉進士早逝次紀次
經孫男五騏邑庠生驥國子生次鳳驊驪俱習舉子
業惟公天資溫粹性樂易待人接物一本於誠未嘗

有所忤故人無貴賤咸愛敬之充篤於友誼有誤惟
法網不能自白者必語所司為辯之或材可用而淪
抑下僚者為諸當道不幸家死為歸其喪或卹其孥
又置義學以訓鄉族子弟置義田以賑貧乏皆
仁厚之所推也公自少至老好學不倦所著述不為
奇崛雕刻之詞而溫厚詳雅類其為人有古源文集
若干卷藏于家初公從侍讀尹鳳岐先生游先生語
人曰大韶他日所造吾不及也吾於文字間見之矣
卒以大魁官學士位司空文行功業所成若此先生
之言信哉予少公二歲先入翰林及公一蹴位予右

顧以座主見待不少違然同官同事朝夕洽比幾二
十年予乃出貳春卿改南都朕隔久之幸復同躋崇
秩重期白首相周旋孰意永訣予尚忍銘公之隧耶
然匪予銘其誰宜銘曰皇明傑魁多出江右有偉謝
公早鍾靈秀經史博通義理精究

先皇策士惟公實裛華秩崇資榮躋顯授論思獻替蜚
英騰茂纂書典禮正訛刊謬

聖明勵精任人求舊賢碩彙興駕行聯造公陟司空剴
裁紛糾宿弊以清人望以副惟公先君式曼亂寇開
釋非辜陰德實懋公食報宜蓋自天佑名位既崇胡
弗遐壽壽雖弗遐卹典優厚天匪其茫殆昌厥後勒
銘賁幽永世無朽

皇明名臣琬琰錄卷之十五

懷遠伯襄毅山公神道碑銘雲

王侍郎偉

書曰天惟純佑命則商實詩曰維嶽降神生甫及申
維申及甫維周之翰是則上天眷佑人君必賚以非
常之佐然後可以成莫大之功有若故特進榮祿大
夫右軍都督山公殆所謂非常之佐者歟按行狀公
諱雲字 父諱青洪武初隨侍

太祖高皇帝平定海內以功授燕山左衛百戶已而從
太宗文皇帝奉天征討歷陞中軍都督食事母 氏封
人永樂元年都督公以疾卒于官公以家嗣襲任

金吾左衛指揮使衛隨軍備律遠北功為諸將表請
府軍前衛掌印尋陞中軍都督兼事宣德二年奉

宣宗章皇帝制諭充總兵官掛征蠻將軍印出鎮廣西
先是廣西溪洞獍獍叛服不常數為邊患公至鎮之
以靜煦之以仁嚴號令公賞罰親率官與叛賊韋朝
列等前後十餘戰臨機應變能以身先士卒故所向
無前斬賊首凡一萬二千二百六十九降賊酋三百
七十七獲被賊抄虜男婦二千五百七十九俾各寧
家擒虎豹三百四十獻于朝築永平等九堡葺宣武
等四城糊舖舍五百一十七由是蠻夷懾伏居民按

堵

天子嘉其功進公右軍都督同知賜紅織金羅衣一襲
仍下詔獎諭有廉能公正善撫軍民實副委任之語
今上皇帝嗣位念公守邊日久厥績茂著迺賜以白金
綵段正統三年九月二十日公以疾卒于鎮有司以
聞

天子嗟悼輟視朝一日遣官諭祭命工部營塚塋贈公
卒之明年二月六日歸塋先塋之次墓碑未及樹子
俊以疾不能任事白于朝以弟泉代厥官泉乃以碑
文為請嗚呼若公者可謂非常之佐者矣公安孰能

梧善騎射曉兵略揀已以廉惠事以懷其音與衆
之故臨戰人皆出死力殲強國若拉朽腐用以保障
生民其卒也西廣之人為之立祠塑像歲時祭之其
得人心可知矣公生 年 月 日享年六十有四
夫人吳氏金吾衛指揮 之女有懿行子男六人長
即俊次即泉能嗣其業次重信義讓孫男三人嵩崧
岩子雖未嘗識公然公名在天下籍甚銘固不可辭
銘曰桓桓虎臣為國之輔夙秉忠誠動遵軌度粵嗣
先秩擢長萬人侍從龍旂克清塞塵繼握重兵出鎮
西廣屹然保障下民是仰恩威並著聲勢流聞智超
百將勇冠三軍禦侮禽姦綽有奇略號令一施聞者
膽落榮祿之秩廉正之褒宸章燁燁于以報勞西廣
之人賴公之佑昕夕籲天祈公永壽天胡不憖遽然
而終訃聞于朝

天子忡忡褒卹之典特為優異匪私于公以勸來裔公
之義氣炳然丹青下則河嶽上則列星我作銘文勒
諸神道百千億年永永有耀

永寧伯譚公行狀廣

同前

公諱廣字仲宏姓譚氏丹徒河門人也父諱添四當
太祖高皇帝起義濛濛居戎籍從大夫湯 克金壇常

州攻取江陰又克蘇明等州遂留禦明州收捕蘭秀
山以終時公年十四補父籍繼被選入補驍騎衛復
調府軍為伍長帶刀宿衛誥授詔信校尉燕山中護
衛百戶從征乃兒不花轉燕山左護衛又征驢駒河
黑松林朶顏山等處已而從

太宗文皇帝奉天征討

上知公驍勇有謀命率百騎候東安涿州公生捕得邏
卒輒械以聞

上益親信遂從攻真定取永平下大寧還戰鄭村埧以
功陞千戶又取廣昌克蔚州圍大同鏖戰白溝河攻

濟南陞正千戶及破滄州戰東昌定州夾河轉棗城
進攻順德皆奇功因留守保定陞指揮同知尋陞指
揮使會都督韓觀率兵十二萬來攻公以孤軍晝夜
相拒四十餘日糧且盡公啗指裂背左區右畫竟以
飛礮擊走其衆陞大同都指揮僉事永樂改元營建
督運殿材紫金闕七年入見留北京領神機營從
上征迤北封神機驍騎將軍由玄冥河追趕本雅失里
至靜虜鎮殺敗阿魯台復征擒胡山還守大同十二
年復從征九龍口胡騎數萬憑崖而陣勢張甚公為
前鋒以神箭手萬人射傷其衆賊驚潰坑陷木死

者殆萬計公乘勝揮而莫以逢夾擊之繼以步刃殲其馬足賊大敗去比還

上指謂廷臣曰廣之勇智雲長敵德不足多也陞中軍都督僉事有白金綵段駕馬襲衣之賜且俾中貴護至其門

仁宗嗣位陞左都督制克總兵官出鎮宣府時冬寒上念公備禦於外遣賜楮幣綵段即掛鎮朔將軍印暨于

宣宗尤加褒異勅曰念卿總戎據忠效謀躬勤夙夜有白金綵段之賜逮今

上皇帝既御大寶勅曰卿祇事

祖宗多歷年所出鎮邊疆厥績茂著特遣人諭意後賜白金綵段正統六年以殺勦胡寇功詔封永寧伯七年給誥券意若曰爾中軍都督府左都督譚廣忠實能勤材智有為事朕

皇曾祖於藩邸翊清內難從征北虜克振武威暨事皇祖

皇考至于今日鎮守邊方幾二十載屹然長城之固疆宇晏然念勞動之既久宜恩數之渙頒今特授爾奉天翊衛宣力武臣特進崇祿大夫柱國永寧伯食祿

一千一百石仍與爾誓除謀逆不宥外其餘雜犯死
罪免爾一死爾惟欽哉正統九年

上聞公年老不忍重勞以事命武定侯郭公往代其任
驛召公還未幾而告薨

上哀悼為設朔一日遣官祭弔申勅有司治葬事
大臣咸有祭公為人長身玉立膂力絕人忠義之氣
大百餘戰戰必勝然未嘗妄殺愛人下士恒恐不及
士卒勤勩不啻在己寒為之衣飢為之食故公之去
也人慕之其薨也人哭之咸盡哀公初所統神機兵
鮮明晃耀進止有度望見皆曰此譚家馬也

上有所指揮亦曰譚家馬至胡虜相戒亦曰慎毋犯譚
家馬迄今猶以為號所得祿賜一不以私贏均為學
舍溥屠老子之官之用嗚呼若公者雖古之名將何
以加茲公生于元至元年 月 日薨于正統九
年 月 日曾祖諱 祖諱 考諱添四皆贈榮祿

大夫柱國永寧伯曾祖妣 氏祖妣 氏妣 氏皆

贈太夫人配王氏封夫人子男三人長亨襲永清衛

指揮使次商次高孫男若干人亨將以九年十月日

奉公之柩歸葬保定 鄉之原泣請予狀公行實用

乞銘于太史氏某為公之門下士知公頗悉故不辭

而述其槩若此云

工部尚書李公神道碑銘友直揚文貞公士奇

太宗皇帝初奉藩北京建文中廷臣有因齊藩不法遂建議凡藩國所在更置守臣於是擢張昂為北平布政使昂日求王府細事將為不利其史李友直密聞于

太宗義師既舉遂擢用友直友直質樸直諒知無不言甚見嘉獎日益信任出理饟運入嚴城守率以命之殫力竭慮事卒盡棄而成稱

上旨初授北平布政司右叅議既建北京改布政司為上亦念公在邊久思有以少休之矣未幾陞南京戶部左侍郎

今上即位勅公總督京儲及屯田諸務公始至會臺臣建議令諸司察舉其屬公首劾罷其不事事者數輩而薦用其才且賢者廩庾毀壞其脩復之資咸取具軍役而公有餘材則積以待敝公曰縻有用之物困無告之民吾不能牽於吏議以隱忍於心也即日以便宜從事人謂公一舉而能除數十年之弊復因災異上卹民力錄囚徒裁省益糧俸鈔三事丁繼母憂賜葬祭旋命起復公懇乞終制祥禫召還京陞南京

戶部尚書總督如故三年乞養

上以其兼領諸務止之賜誥命進階資政大夫公至是
功業既成精力向衰在他人若可以少自暇逸而公
感知遇期於盡瘁每晨興入公館治事食頃詣臺迄
日旰未休屬僚文移趣辦不少貸卒之以此成疾疾
甚猶日省署不廢嗚呼必如公而後可謂無負於委
任矣公為人嚴偉立朝稜稜有風望自為郎署人已
禪其剛直無敢有忤之者及出更藩鎮入踐臺省位
叙日高年德日茂晚生後進以得公接納為幸而小
官下吏趨走聽令有莫敢仰視者矣公生於永樂甲

申六十九配李氏封夫人側室樊氏朱氏五男子

鳳沂州判官鸞虹縣陰陽訓術鵬義官皆李出鵠國
子生樊出鵠朱出三女其長者嫁郭宣錢宗李在室
孫男五公之卒也其同年友南京吏部尚書崔公既
經紀其喪復述公履歷以授鵠俾持以乞文於予將
立碑神道予雅辱公知愛公之妣文夫人喪嘗忝執
筆為銘今於銘公又奚辭其墓以卒之年十一月壬
寅其墓在邑西南沱河之陽銘曰維古大臣以道事
君道用於時惠利在民烈烈陳公遺遠

列聖煌煌兩疏詞嚴我正豈不公用人孰究其所知

者公之緒餘素德懷成初終一節何歎於公元侯大
董沱經夏立表墓其陽勒銘穹碑永永不亡

副都御史盛公墓志銘

立文莊公清

英廟復辟之初權臣之冒功者朋比為奸鑿空起邊釁
欲樹奇功以蓋其迹率師闖塞即還虜因乘之而入
十三道御史欲有言同事有洩之者彼先入愬于
上誣御史中有與被繫內臣張永同族者欲為之報復
以激

上怒即逮所誣御史下獄明日衆御史章始上

上御便殿召衆入盛氣待之擲章付御史誦之至半
上曰止摘章中所條事折之令其分疏復諭之以終誦
上意稍悟然重違權臣意姑從輕典凡列名者俱調外
任其一人錫山盛公也時掌河南道事出知保定之
東鹿縣先是權臣啓邊釁其勢焰可畏人無敢言者
公首與同官涑水張公鵬謀謂事干軍國某等官臺
憲烏可畏禍不言張公以為然即入謀之兵科都給
事中王鉉約以章交上機事因之而失時聯官者皆
未知也亟召入永平周公賓舍卒誦所上章音吐洪

亮甚無阻滯及對

上之言謂直進正夫下聞而壯之而不知首啓其謀者
盛公也同日出補外者若干人其後惟盛公年最高
官最顯而能以令德終嗚呼天於忠直之報固獨厚
之耶公諱顯字時望常之無錫入正統辛酉以尚書
蔡氏傳得僑京闈在太學十年所交皆海內知名士
景泰辛未始登進士第首擢河南道監察御史尋以
老成掌道事時初經己巳之變朝廷懲前政委靡之
失稍開言路一時言事者毛舉細故攻訐陰私以張
直聲公獨顧大體惜人才掩其疵疾不為己甚善類
賴之嘗兩奉命出撫沿按准時值歲大歉發倉賑貧
全活者甚衆按閩時適當大比拔賢振滯是科得人
為盛及是首謀摧折巨奸直聲凜凜聞天下其知東
鹿也邑多顯宦往往怙勢為不法聞公至相戒曰是嘗
劾奏石總兵者其人不可犯也公變搏擊以為撫循
吏畏而民安之未幾丁內艱去民留之不可俟其服
闋相率詣闕乞公公得再任不復用刑法有爭訟者
諭之以理輒叩首聽受不復辯鄰邑聞之說多年不
決者各來請判于公公折以片言各心服而去時人
有清如水明如鏡之謠邑介真保間四境之民雖非
所治亦聞風趨赴郊外有荒地自然聚以成市邑人

因目為清官在既去任民築亭為立去思碑請文士
為作記至今存焉歲甲申擢守邵武行所無事不動
聲色而郡大化既而巡撫都憲以延平民狡而事繁
請于朝移公治之延平與邵接境聞公政聲有素莫
不革心向化巡按御史錄公兩郡政績請旌異于朝
進公一階封贈父母及妻癸巳陞廣西叅政專督糧
餉丙申陞雲南石布政使丁外艱服闋改陝西尋遷
左時廣西殘破之餘公委曲措注民夷賴以不擾陝
西地臨三邊公在任日邊報無虛月適歲多歉公調
度有方而餽餉不缺入為刑部右侍郎佐其長以月
刑恒舉歐陽公求生不得則死無憾之語為寮屬告
有深文巧詆者輒不樂之刑用是平僅再閱月調公
尚京蓋當道者之鄉人有欲得公處者或以為言公
曰吾南人往官于南固其所也明年山東旱飢盜賊
將乘之而起廷議建遣大臣巡撫食曰無如盛時望
者改公都察院左副都御史乘驛往命至公即日就
道甫下車禱于天雨即大注枯槁復甦公多方設法
凡前人救荒之政於今有益者次第舉而又因時之
宜條數十策行下所司民賴以賑濟郵之餘所儲尚
百餘萬又有餘力以及於前代聖賢有功於齊魯者

為之建祠宇以報祀之公山東之政天祐以無金表忠良除苛政以固民心為本在山東者三年齊俗翕然以變年近七十以老疾上章乞致仕

上以其情詞懇切從之馳驛歸至徐州適所部有大獄以公知其始終有旨命鞠之獄成後歸公自家食時家事一以付其弟順至是抵家伯仲怡怡友愛加篤公於家事一不問順為之構方塘書院疊山鑿池蒔花植竹以為娛老之地公時靜坐一室焚香讀書以自適泊如也歲丁未以上

皇太后徽號恩進公一階家居者六閱寒暑以歲亡子正月二十六日卒享年七十有五訃聞賜塋祭如例卜以是年臘月六日塋于惠山之原弟順命其子虞持狀來京師求余銘按狀盛氏常州右族世多聞人曾大父諱茂之大父諱子實父諱文珪俱以公貴贈都察院左副都御史祖妣吳氏妣馬氏俱贈淑人公凡三娶殷氏贈淑人顧贈恭人何封淑人子男二唐義官龍蔭補國子生女三人孫男二銘釗女四曾孫男一女二銘曰公為循吏仁中有義公為憲臣義中

有仁公撫邦國變荒為熟公佐邦刑於死求生最其功業所在烈烈曰年而報推折大奸因銘及之補史

之遺

浙江按察使楊公墓志銘

楊文懿公守

天順初

英廟復辟時廣西道監察御史楊公印馬于畿內民群
訴太監吉祥忠國公石亨奪其田若干頃公具以聞
併言其恬寵擅權之罪詔稱公敢言稱職命吏部記
之蓋將以大任也既而還京慧孛孛連見祥亨二凶日
益張十三道御史謀劾之有私泄於亨者亨乃與祥
合謀上譖暨彈章入

上震怒召諸御史請文華殿俾誦彈章而歷詰之某道
御史周斌與公同輩且誦且對歷陳二凶罪狀明甚
然天意入先譖莫能回悉下錦衣衛獄逼公誣引大
臣刑甚慘酷數瀕死卒無一語他及有司文致坐公
死而十三道長皆坐戍餘多坐貶奏上矣會京城大
風雹拔木壞屋走正陽門下馬牌於郊外於是獄皆
從減死者戍戍者貶貶者復而公就戍遼東之鉄嶺
道遇赦還或謂公宜詣二凶謝庶免後禍公不可復
謫戍廣西南丹居五歲二凶相繼以逆誅公被特旨
還里居今

上嗣位以言官奏復公舊官改陝西道尋陞浙江按察

副使居父憂還復舊治巡海後陞按察使卒于官自
古亂臣逆黨必先濇刑重法以箝羣衆之口而懾服
其心俾莫敢不從然後逞其志此二凶所以必欲寔
公死也既而公幸生全二凶卒皆誅滅而公乃復于
位由

天子之明足以別忠邪智勇足以定禍亂故也公姓楊
諱瑄字廷獻南昌豐城縣人其始祖曰王君權唐季
相南平王累官金紫光祿大夫居南昌之武寧傳十
有五世曾祖回仲猶王姓國初徙豐城占籍始訛為
楊蓋其方言王楊無異音故也公祖名高不仕父子

以醫藥濟人所治輒效未嘗責報鄉人德之皆以公
貴贈中軍都督僉事曾祖妣祖妣皆贈夫人母趙氏
封夫人公生而英敏異常兒甫成重代父戍營州淤
武巴卯

太宗皇帝舉兵靖難自大寧歸附從征所至皆捷若鄭
村填白溝河東昌威縣夾河藁城靈壁大戰皆有功
隨駕至淮度大江入南京及扈從北征至玄冥河追
獲胡虜本雅失里由靜虜鎮出廣漢成敗阿魯合湖
州草寇喃來未命率南京軍合陽武侯所統軍討平

上每北征皆扈從嘗命總後營

宣宗皇帝征武定州總軍扈從北還命守彰德復命從征兀良哈亦預有功公起行伍以奉天將士由總旗陞百戶再陞指揮僉事壬午冬陞真定衛指揮同知永樂庚寅以殺胡虜功陞指揮使調府軍前衛領幼軍隨侍

皇太孫洪熙乙巳

宣宗即位念公能陞都指揮同知丙午陞中軍都督僉事巳酉春進封奉天朔衛宣力武臣特進榮祿大夫柱國新建伯歲祿八百石賜券誥是冬奉命往陝西

明年往湖廣改調西安武昌護衛正統初命總禁軍公歷仕四十年小心敬畏受知

列聖金帛甲冑器皿諸物恒有賜賚而能約以自處人以是多之辛酉夏以疾告命太醫院給醫藥疾亟自序遭際恩榮愧無以報遺訓子孫永世無忘八月庚午卒壽七十三訃聞

上嗟悼輟視朝一日遣禮部尚書胡公諭祭于其第勅有司給齋糧麻布治棺塋葬追封新建侯謚榮僖配趙氏封夫人相成厥家族里稱賢子男七長英次源先卒次海次賢次良次次女二長適府軍衛百

戶范達次在室孫男十二曰奇曰信曰佐曰日倫
曰儼曰健曰偁曰孫女三皆在室曾孫二曰政曰
卒之年 月 日葬懷柔縣 鄉 原英奉中書
舍人張弘所述行狀請墓銘銘曰維公展也多才詡
歷事四朝勲日著厚祿榮封申眷顧貂蟬光接夔龍
武越昔駿奔義旗舉風虎雲龍千載遇玄冥河此廣
漢成瞻望白旄殲醜虜歸侍東朝司禁旅有偉其休
約以慶全而歸之有遺裕爵謚褒嘉駢錫與子孫振
振保厥緒懷柔之原良膺膺千百億年安以固

豐城侯茂國剛毅李公神道碑銘 彬同前

公諱彬字文質姓李氏鳳陽定遠人父信善騎射少
從

太祖高皇帝征伐以戰功累官明威將軍濟川衛指揮
僉事後以老疾致仕公方弱齒補父官即如老成人
上下交譽之洪武庚午率所部兵從穎國公征北虜
歷朶顏鴉兒諸山追襲虜酋阿剌失里至洮河兒養
人馬數十復歷黑嶺寒山諸處至熊皮山追襲虜酋
兀刺罕特

太宗文皇帝居潛邸聞公智勇深嘉賞之明年遣公巡
視宣府與河保安隆慶懷來諸邊城尋以公父信為

遼東都司都指揮使癸酉命公率兵集宣府德勝口
城巡視邊關明年復命公率兵集萬全懷安城又明
年命公率兵征哨泥河營黑松林諸處至哈刺之地
乃還胡虜遠遁庚辰

文皇帝舉兵靖難命公率兵以薊州遵化克之以功陞
指揮同知又攻雄縣莫州克之陞都指揮僉事復克
大寧城又克敵於鄭村塢克廣昌蔚州大同諸城明
年夏於白溝河大戰以功陞都指揮同知進克滄州
壬午於濤沱河單橋葉城諸處克敵追至彰德出哨
定州陞右軍都督僉事又於楊村交戰被鎗

上即遣醫視之賚予優厚俾還北平公奏曰臣本戰士
豈以微傷自餒願隨軍效犬馬之力

上不允命輔世子守城癸未命公率兵護中宮至京師
永樂甲申

上以四方既平乃論功行賞念公之勞居多封奉天靖
難推誠宣力武臣特進榮祿大夫柱國豐城侯食祿
一千石子孫世襲自是委托益重乙酉命鎮江西丙
戌命巡皂君山丁酉命征交趾有功加祿五百石己
亥勦平東海倭寇庚子督操江尋命往長沙討賊李
法良癸之辛丑命捕福建海寇癸卯命佩征虜前將

軍印總兵守甘肅大振軍威胡虜誓伏丁未隨駕至
京命佩征夷將軍印總兵守交趾遠人莫不仰德畏
威南陲晏然在鎮六年以疾卒時永樂二十年正月
十五日也交人莫不罷市巷哭其德澤及人深矣計
聞

上為之震悼輟視朝一日加賜賻儀追封茂國公謚曰
剛毅遣官諭祭復追封三代祖考皆上公妣皆公夫
人子男四人長曰賢故嗣封豐城侯次芳次恭次禎
孫男二人長曰勇今嗣封豐城侯次鉞嗚呼公以武
士遭遇龍飛之運乃能建勛庸昨茅土東征西討迨
無寧歲可謂國之勞臣矣是豈可以不銘輒因勇之
請序而銘之銘曰桓桓李公慶時之逢奮武揚威克
效其忠統其父兵所向無敵長驅虜巢左右搏擊胡
塵既清武備是營飭彼邊城大振軍聲靖難之師惟
公義勇奉戴

真人不震不悚通侯之爵

帝寵是加世澤之延與國無涯公復何心殫其智力奉
命周旋曾不少息或鎮邊方或殄強梁意氣之盛泰
華軒昂終于炎荒塋于畿土史臣勒銘光照千古